

Ipmilbálvalusgirji 2011

Váldoipmilbálvalusa ortnet

Girkočoahkkin dohkkehan 2011.

Geavahusas 1. adveantasotnab. rájes 2011 ja adnojuvvo 1. adveantasb.2012 rájes

ÁLGGAHUS

Váldoipmilbálvalusa ortnet lea oktan Dábálaš njuolggadusat Váldoipmilbálvalusa ortnegiin Norgga girku váldoipmilbálvalusa mearrideaddji njuolggadusat.

Ipmilbálvalusbagadusat (kapihtal 6, 7 ja 8) addet dievaslaš čilgehusaid ja láidestemiid. Bagadusat meannudit deatalaš fáttáid mat gusket olles ipmilbálvalussii: mii ipmilbálvalus lea, ipmilbálvaluslatnja, oppalaš heiveheapmi, liturgga ja veahkkeliturgga bargu, lávlun ja eará musihkkavuogit jna. Ipmilbálvalusa váldoosiid bagadus addá dievaslaš čilgehusaid ja bagadusaid juohke lađđasii.

Váldoipmilbálvalus mearkkaša searvegotti váldočoagganeapmi sotnabeivviid ja bassebeivviid, nugo bisma lea mearridan.

Sierralágán váldoipmilbálvalusaid struktuvrraid ovdamearkkat leat sii 2.XX.

Allameassu, nu mo čilgejuvvo 1. kolonna osiin, lea buot eará váldoipmilbálvalusaid vuodđu.

Namahusat «áلكiduvvon ipmilbálvalus eahkedismállásiiguin» (2), «ipmilbálvalus eahkedismállásiid haga» (3) ja «áلكiduvvon ipmilbálvalus eahkedismállásiid haga» (4) čilgejit muhtun ipmilbálvalusaid maid sáhtta doallat báikkálaččat. Dan ipmilbálvalusa hámi mearrida báikkálaččat, ja mearrida makkár namahusa dasa bidjá, ovdamearkka dihtii Bearašmeassu, Nuoraidmeassu dahje Bearašipmilbálvalus.

“Váldoipmilbálvalusa ortnet” (s. 2.5-2.23??) rubrihkat (**ruoksa** **din** **čállojuv** **von**) addet dárkilet mearrádusaid liturgiija lađđasiid hárrái. Rubrihkat gusket sihke allamessui ja eará lágán váldoipmilbálvalusaide maid báikkálaš searvegoddi vällje doallat.

Oanádusmearkkaid čilgehusat:

S máksá searvegoddi,

Buo máksá buohkat (liturga ja searvegoddi)

L liturga (ipmilbálvalusdoalli, báhppa dahje eará olmmoš gii bismmas lea ožžon fápmudusa doallat váldoipmilbálvalusa.

ML (mielliturga) máksá teakstalohkki, rohkosláidesteadji, eahkedismálisveahkki, luhkkár, koarra ja earát geat doaimmahit liturggalaš bálvalusaid ja doaimmaid.

Go leat moadde liturgga, *L/ML* dahje *ML/L*, de ovddibus lea vuosttašvuoigatvuohta.

Geahča mo liturgga ja mielliturgga doaimmat čilgejuvvojit dárogiel teavsttas Veiledning om ulike sider ved gudstjenesten (s. 7.23).

Go čállojuvvo *L/ML* dahje *ML/L*, de ovddibus lea vuosttašvuoigatvuohta. Geahča mo liturgga ja mielliturgga doaimmat čilgejuvvojit Bagadus ipmilbálvalusa iešguđet beliin (s. 7.23XX).

Maiddá eará gielaid sáhtta atnit muhtin ipmilbálvaluslađđasiin.

lullisámegillii

Maahta voernges liturgijen tjaalegh saemien gieline (vuartesjh side 2.87), gusnie iemie, åejviegyrhkesjimmine nuhtedh laanten gaajhkine åålmeginie.

julevsámegillii

Guovdásj liturgalasj tevsta sámegiellaj (gehtja side 2.90) dáhkkiji, goassa le luondulasj, aneduvvat oajvvejubmeldievnastusájn gájkka rijka tjoaggulvisájn.

kvenagillii

Sentraalissii liturgian tekstii kainuksi (katto side 2.93) saattaa käyttää, sielä missä oon luonnolista, pääjumalanpalveluksissa kaikissa valtakunnan seurakunnissa.

váldoipmilbálvalusa ortnet

I. čoagganeapmi

1 | Ráhkaneapmi

Girkolatnja sáhtá rahppojuvvot muhtin áiggi ovdal ipmilbálvalusa, oažžu cahkkehit gintaliid ja čohkkát jaskatvuodas rohkosis.

Bielločuodjalahttin

Ovdal mañimuš golbma čuodjalahttima, sáhtá leat:

Dieđáhusat otná ipmilbálvalusa birra

Dieđáhusat loahpahuvojit ná:

«Jaskkodehкот Ipmila ovddas»

dahje oažžu eará sániid dadjat mat muitalit ahte searvegoddi lea ovttas Ipmila muođuid ovddas.

Oanehis jaskatvuohta

Golbma bielločuodjalahttima

2 | Álggahansálbma

Ovdal álggahansálbma sáhtá čuojahuvvot preludium, dábálaččat sálbma ovdašuokŋan, sáhtá maid leat koarralávlun.

Preludiuma/álggahanmusihka dahje álggahansálbma áigge sáhtá leat prosešuvdna.

Searvegoddi čuožžu go prosešuvdna boahtá.

Jos láibi ja viidni ii leat biddjojuvvon liigebeavdáii dahje áltárii ovdal ipmilbálvalusa, de dat guddojuvvojit sisa prosešuvnna ja biddjojuvvojit liigebeavdáii dahje áltára ala.

3 | Álggahansánit

Ovdal guokte vuosttaš álggahansáni sáhtá liturga dadjat:

Ráhkis searvegoddi

L | Árbmu lehkos dinguin ja ráfi Ipmilis, Áhčisteamet, ja Hearrás Jesus Kristusis

DAHJE

L | Hearrámet Jesus Kristusa árbmu, Ipmila ráhkisvuohta ja Bassi Vuoiŋŋa

servvolašvuohta lehkos dinguin buohkaiguin.

DAHJE

L | Áhči ja Bártni ja Bassi Vuoiŋŋa nammii.

DAHJE

L | Áhči ja Bártni ja Bassi Vuoiŋŋa nammii:

Min sivdnideaddji, lonisteaddji ja eallindahkki.

Maŋŋil álggahansániid searvegoddi sáhtá vástidit:

M | Amen.

Go váldoipmilbálvalusas lea gásta, de välljejuvvo juobbágoabbá guovtti vuosttaš álggahansániin.

Álggahansániid lassin liturga sáhtta almmuhit ipmilbálvalusa earenoamáš sisdoalu.

4 | Čoaggananrohkos

Čoaggananrohkosat , gč s 2.29-2.33XXX

Beaivvi rohkos sáhtta adnot čoaggananrohkosin, vuosttažettin allabassebeivviid. Gč. lađas 8. Čoaggananrohkos sáhtta álggahuvvot ná:

ML | Rohkadallot. dahje Giitot ja rohkadallot.

Čoaggananrohkos loahpahuvo ná:

ML | Ipmil, mii rohkadallat. dahje Mii rohkadallat Jesusa nammi.

Buo | Amen.

5 | Suttudovddastus

Lohkkojuvvo dás dahje ovdal ovddasrohkosa. Gč. lađas 16. Buohkat rohkadallet dan ovttajitnii. Ovdal álggahansáni liturga sáhtta dadjat:

L | Hearrámet Jesus Kristus cealká: Don galggat ráhkistit Hearrá Ipmilat oppa váimmustat ja oppa sielustat ja oppa mielastat. Dát lea stuorimus ja mávssolaččamus báhkkon. Muhto nubbi lea seammá stuoris: Don galggat ráhkistit lagamuččat nugo iežat. **Matt 22, 37-39**

Suttudovddastus álggahuvo ná:

L | Gopmirdehкот Ipmila ovdii ja dovddastehкот suttuideamet.

DAHJE

L | Gopmirdehkot Ipmila ovdii ja rohkadallot ándagassii addojumi.

DAHJE

L | Suokkardallot iežamet Ipmila muođuid ovddas ja dovddastehkot
suttuideamet.

Liturga sáhtta cealkit lohpadussáni manjil suddovddastusa.

Sáhtta leat oanehis jaskes boddu ovdal suddovddastusa dahje ovdal lohpadussáni.

Liturga čipposta suddovddastusa ja jaskatvuoda áigge.

Searvegoddi maid sáhtta čippustit.

Suddovddastusat ja lohpadussánit, gč. s. 2.35-2.38.

6 | Rohkosčuorvvas KYRIE

Kyrie eleison lávlojuvvo.

Kyrie eleison.

Kriste eleison.

Kyrie eleison.

DAHJE

Kyrie eleison. Ipmil Áhččámet, árpmit min.

Kriste eleison. Hearrámet Kristus, árpmit min.

Kyrie eleison. Bassi Vuoign̄a, árpmit min.

dahje eará kyrie, gč. s. 2.39

Kyrie sáhtta viiddiduvvot kyrielitaniijan. Gč. s. 2.39.

Kyrie sáhtta guođdit eret muhtin ipmilbálvalusain.

7 | Máidnunlávlla GLORIA

Máidnunlávlla gloria lávlojuvvo.

Dán sáhtta guoddit eret fástoáiggi

L/ML | Gudni lehkos Ipmilii allagasas

ML | Gudni lehkos Ipmilii allagasas ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du, mii bajidit du. Amen.

DAHJE

L/ML | Gudni lehkos Ipmilii allagasas

S | ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du,
mii bajidit du.

ML | Mii máidnut du du stuorra hearvásvuoda dihtii, Hearrá Ipmil, almmálaš gonagas, buotveagalaš Áhčči.

S | Mii máidnut du, mii rámidit du, mii bálvalit du,
mii bajidit du.

ML | Hearrá, Ipmila áidnoriegádan Bárdni, Jesus Kristus,

Ipmila Láppis guhte guottát máilmmi sudduid, árpmat min. Don guhte čohkkát Áhči olgeš gieđa bealde, gula min rohkosa.

S | Mii máidnut du, mii rámidit du, mii bálvalit du,
mii bajidit du.

ML | Dasgo aivve don leat bassi, aivve don leat Hearrá,
aivve don leat Buot alimus, Jesus Kristus oktan Bassi vuoiŋŋain Áhči
hearvásvuodas.

S | Mii máidnut du, mii rámidit du, mii bálvalit du,
mii bajidit du. Amen.

Sáhtá atnit eará máidnunlávлага dahje ovttá dahje eanet máidnunlávllageardumiid. *Gč. s. 2.XX* Gásta
váldoipmilbálvalusas lea dábálaš dás.

8 | Beivvi roHKos

Beivvi roHKosa sáhtá guođđit eret, dat sáhtá leat dás, sáhtá leat sártni oktavuodas dahje adnot (earenoamážit
allabassebeivviid) čoaggananroHKosin.

RoHKos álggahuvvo ná:

L | Rohkadallot mii buohkat.

RoHKos loahpahuvvo ná:

S | Amen

II. sátni

Eará váldoipmilbálvalusain go allameassuin sáhttet leat guokte teakstalohkama, dahje okta lohkan
(evangeliuma). Dalle sáhtá 10. lađas Biibbalaš sálbma / Sálbma guđđojuvvot. Searvegoddi čuožžu go
evangelium lohkkovuvvo ja čohkká eará čálalohkamiid áigge.

9 | Vuosttaš teakstalohkan

Boares testamenttas

L/ML | Gullo Hearrá sáni.

ML | Lea čállojuvvon ...

Lohkan loahpahuvo ná:

ML | Nu čuodjá Hearrá sáni.

Searvegoddi sáhtá vástidit:

Máidnojuvvon lehkos Ipmil.

10 | Biibbalaš sálbma / Sálbma

Sáhtá lávlut biibbalaš sálmma dahje eará sálmma lohkamiid gaskkas, dahje lea jaskes boddu.

11 | Nubbi teakstalohkan

Ođđa testamenttas earet evangeliumain

ML | Lea čállojuvvon

Lohkan loahpahuvo ná:

ML | Nu čuodjá Hearrá sáni.

Searvegoddi sáhtá vástidit:

S | Máidnojuvvon lehkos Ipmil.

12 | Evangelium

Halleluja /Sálbma

Ovdal ja maŋŋil evangeliumlohkama, sáhtá lávlut hallelujagearduma dahje oanehis sálmma. Searvegoddi čuožžu hallelujagearduma áigge.

Sáhtá maiddái leat evangeliumprosešuvdna.

Jos sálbma adnojuvvo, de sáhtá das lávlut vearssa sihke ovdal ja maŋŋil teakstalohkama. Jos olles sálbma lávlojuvvo ovdal teakstalohkama, de sárdnideaddji sáhtá lohkat evangeliuma dahje eará sárdneteavstta sártne oktavuodas.

L/ML | Lea čállojuvvon ... evangeliumis.

Searvegoddi čuožžu go evangeliumteaksta lohkojuvvo.

Lohkan loahpahuvo ná:

L/ML | Nu čuodjá bassi evangelium.

Searvegoddi sáhtá vástidit:

S | Máidnojuvvon lehkos Ipmil.

13 | Sárdni

Sárdnideaddji dábálaččat sárdnida sárdneteavstta mielde. Go vuosttaš dahje nubbi lohkan-teaksta lea sárdneteakstan, de sáhtá dan lohkat dás.

Muitalusteaksta sáhtá adnot mearriduvvon sárdneteavstta sadjái.

Allabassebeivviid, ja go muđui lea sávahahti, de sárdnideaddji sáhtá iežas sániiguin álggahit ovdal go sárdneteaksta lohkojuvvo.

Sárdneosis sáhtá liturggain ovttasráđiid bidjat osiid mat leat áigeguovdil, dramatiserejeaddji dahje hástaleaddji, ja mat leat heivehuvvon sártne sisdollui.

Sárdni sáhtá loahpahuvo máidnumiin:

Gudni lehkos Áhččái ja Bárdnái ja Bassi vuignii,

guhte lei ja lea ja bissu oktan duohta Ipmilin agálašvuodas agálašvuhtii.

Sártni manjá sáhtá leat jaskes boddu, oanehis sálbma dahje meditatiivvaláš musihkka .

14 | Oskkudovddastus CREDO

Oskkudovddastus lávlojuvvo dahje celkojuvvo. Jos ipmilbálvalusas lea gásta, de oskkudovddastusa sáhtá guoddit dáikko. Dahje sáhtá lávlut oskkudovddastussálmma.

Searvegoddi čuožžu go oskkudovddastus lohkkujuvvo.

ML/L | Dovddastehkot bassi oskomet.

B | Mun oskkun Ipmil Áhččái, buotveagalažžii, almmi ja eatnama
sivdnideaddjái.

Mun oskkun Jesus Kristusii,

Ipmila áidnoriegádan Bárdnái, min Hearrái,

gean Bassi vuoigŋa sahkanahtii,

nieida Márjá riegádahtii,

ja guhte givssiduvvui Pontius Pilatusa áigge,
russiinávlejuvvui, jámii ja hávdáduvvui,

njiejai jábmiid riikii,

bajásčuožžilii jábmiid luhtte goalmát beaivvi,

manai bajás albmái,

čohkká Ipmila, buotveagalaš Áhči, olgeš gieđa bealde,
bohtá fas doppe dubmet elliid ja jábmiid.

Mun oskkun Bassi vuignii,
bassi oktasaš girku,
bassi olbmuid searvevuođa,
suttuid ándagassii addojumi
oačči bajásčuožžileami
ja agálaš eallima.

Amen. *Apoastallaš oskkudovddastus.*

DAHJE

B | Mii oskut ovtta Ipmilii,
buotveagalaš Áhččái,
almmi ja eatnama,
buot oinnolaččaid ja oaidnemeahttumiid Sivdnideaddjái.
Mii oskut ovtta Hearnái, Jesus Kristusii,
Ipmila áidnoriegádan Bárdnái,
gean Áhčči lea riegádahtán ovdal buot áiggiid,
Ipmil Ipmilis, čuovggas čuovgasis,
duohta Ipmil duohta Ipmilis,
riegádan, ii ge sivdniduvvon,

geas lea seammá luondu go Áhčis.

ja gean bokte buot lea šaddan,

guhte min olbmuid ja min bestojumi dihtii njejjai almmis,

šattai olmmožin Bassi vuoiŋŋa ja nieidda Márjjá bokte,

russiinávlejuvvui min ovddas

Pontius Pilatusa áigge,

gillái ja hávdáduvvui,

bajásčuožžilii jábmiid luhtte goalmát beaivvi Čállagiid mielde

ja manai bajás albmái,

čohkká Áhči olgeš gieđa bealde,

boahdá fas hearvásvuodas

dubmet elliid ja jábmiid,

ja su riikkas ii leat loahppa.

Mii oskut Bassi vuigŋii,

Herrái ja eallindahkkái,

guhte vuolgá Áhčis ja Bártnis,

guhte ovttas Áhčiin ja Bártniin rohkadalloyuvvo ja gudnejahattojuvvo,

ja guhte lea sárdnon profetaid bokte.

Mii oskut ovttas, bassi, oktasaš ja apoasttallaš girku.

Mii dovddastit ovttas gásta sudduid ándagassii addojupmin,

vuordit jábmiid bajásčuožžileami

ja boahttevaš máilmmi eallima.

Amen. **Nikenalaš oskkudovddastus.**

15 | Sálbma

Sálmma sáhtá guođit jos oskkudovddastus lávlojuvvo.

III. ovddasrohkos

16 | Diedáhusat

Diedáhusaid almmuha dás dahje eará sajes ipmilbálvalusas, dahje diedihuvvojit searvegoddái eará láhkái.

Suttudovddastus **Dákko dahje čoaggananrohkos**a maŋŋil, 4. lađas. Buohkat rohkadallet dan

ovttajitnii.

Ovdal álggahansáni sáhtá liturga dadjat:

L | Hearrámet Jesus Kristus cealká: Don galggat ráhkistit Hearrá Ipmilat oppa

váimmustat ja oppa sielustat ja oppa mielastat. Dát lea stuorimus ja

mávssolaččamus báhkkon. Muhto nubbi lea seammá stuoris: Don galggat

ráhkistit lagamuččat nugo iežat. **Matt 22, 37-39**

Suttudovddastus álggahuvvo ná:

L | Gopmirdehkot mii Ipmila ovdii ja dovddastehkot suttuideamet.

DAHJE

L | Gopmirdehkot mii Ipmila ovdii ja rohkadallot ándagassii addojumi.

DAHJE

L | Suokkardehkot mii iežamet Ipmila muođuid ovddas ja dovddastehkot suttuideamet.

Liturga sáhtta cealkit lohpadussáni suttudovddastusa maŋŋil.

Sáhtta leat oanehis jaskes boddu maŋŋil lohpadussáni.

Liturga čippusta suttudovddastusa ja jaskatvuoda áigge.

Searvegoddi sáhtta maid čippustit.

Suttudovddastusat ja lohpadussánit, gč. s. 2.XX-2YY

17 | Ovddasrohkos girku ja máilmmi ovddas

Ovddasrohkosa sáhtta hábmt báikkálaččat, dahje sáhtta atnit gárvves rohkosiid.

Mielliturga jodiha dábálaččat ovddasrohkosa. Eanebut sáhttet lohkat iesguđet rohkosoasi. Juohke rohkosoasi

sáhtta loahpahuvvot ná:

Ipmil, mii rohkadallat.

dahje

Dan mii rohkadallat, Ipmil.

Son gii rohkadallá rohkosoasi, dahje ovddasrohkosláidesteadji, liturga dahje luhkkár.

Báikkálaš ovddasrohkosa sáhtta heivehit dáid fáttáide:

1 Eatnama olbmot ja álbmogat.

2 Min iežamet riika ja álbmot.

3 Máilmmiviidosáš girku ja min iežamet riikka girku.

4 Min iežamet searvegoddi, min bearrašat ja báiki gos mii ássat.

5 Áigequovdilis áššit.

Áigequovdilis áššiid ovddas sáhtta rohkadallat dain fáddáosiin maidda dat lunddolaččat gullet (1-4), dahje sierra oasis (5).

Geahča dárkilet čilgehusa fáddáosiid dáfus, ovdamearkkaid mo báikkálaččat sáhtta hábmet ovddasrohkosiid ja gárvves ovddasrohkosiid s 2.XX.

Ovddasrohkos sáhtta álggahuvvot ná:

ML/L | Rohkadallot mii girku ja máilmmi ovddas.

Searvegodevástádus

Maŋŋil juohke rohkosoasi čuovvu searvegodevástádus, vástádussániid sáhtta jogo lávlut dahje lohkat. *Gč s 2.XX*

Mii muittašit sin geat leat jápmán ja rohkadallat morašteddjiid ovddas.

Ovddasrohkos sáhtta loahpahuvvot dainna ahte searvegoddi muittaša daid geat leat jápman, ja geat leat hávdáduvvon vássán vahkus, dahje dan rájes go searvegoddi maŋimuš lei čoahkis.

ML/L | Mii čuožžilit ja muittašit min searvegottelahtuid geat leat hávdáduvvon dan rájes go mii ovddit háve čoagganeimmet.

Searvegoddi čuožžila.

Jábmiid namat lohkkovuojuvvojit.

Oanehis jaskes boddu.

ML/L | Oahpat min lohkat beivviideamet, vai mii oččošeimmet viissisvuoda váibmoseamet. Sál 90,12

DAHJE

ML/L | Jesus cealká: «Mun lean bajásčuožžileapmi ja eallin; dat guhte osku munnje, oažžu eallit vaikko vel jápmáge.» Joh 11,25

Dan maŋŋil sáhtta lohkat dán dahje sullasaš rohkosa:

ML/L | Váibmoládis Ipmil, jedde morašteddjiid ja leage sin luhtte boahttevaš áiggis.

Dás sáhtta lávlut searvegoddevástádusa.

18 | Searvegotti giittosoaffar

Oaffara váldá dás dahje 19. lađđasa sálmma áiggi. Oaffarušadettiin sáhtta čuojahuvvot heivvolaš čuojanas-dahje lávllamusihkka.

Oaffarčoaggin sáhtta dáhpáhuvvat girkobeankkas dahje áltára birra.

Oaffaruššan sáhtta loahpahuvvot oanehis rohkosiin, ovdamearkka dihtii ná:

L | Agálaš Ipmil, du lea eanan ja buot mii das lea.

Buot maid mii oamastit, gullá dutnje. Du opmodagas addit mii fas dutnje.

Buo dahje L | Válldášit vuostái min ja min attáldagaid Jesusa nammii. Amen.

IV. eahkedismállásat

19 | Eahkedismállásiidda ráhkkaneapmi

Sálbma

Searvegotti giittosoaffar sáhtta leat dás dahje 18. lađđasis.

Oaffar čoggojuvvo dan botta go sálbma lávlojuvvo.

Giittosoaffar guddojuvvo bošsui dan botta go áltárbeavdi lámččojuvvo.

Láibi ja viidni biddjo áltárii, jos dat ii leat juo ipmilbálvalusa álggus dahkkojuvvon.

Láibi biddjojuvvo láibediskii, ja viidni leikejuvvo gerrii.

Ráhkkaneari sáhtta loahpahit oanehis rohkosiin, omd. rohkos dás bajábealde (18. lađas) dahje dáiinna rohkosiin:

L | Buressivdniduvvon leat don, Ipmil. Du lea eanan ja buot mii das lea. Du opmodagas addit mii fas dutnje. Ovttastahte girkot masa gullet buot álbmogat ja gielat. Nugo gortnit ovttastahttojuvvojit láibin ja viidnemuorjjit viidnin, de ovttastahte min guhtet guimmiideametguin ja Hearrá Jesus Kristusiin.

Buo dahje L | Válldášit vuostái min ja min attáldagaid Jesusa nammii.

20 | Giittus ja rohkos

Dearvvahus prefašundialoga

L lávlu dahje cealká | Hearrá lehkos dinguin

S čuožžila ja lávlu | Ja Hearrá lehkos duinna.

L | Bajidehket váimmuideattet.

S | Mii bajidit váimmuideamet Hearrái.

L | Giitot Hearrá Ipmileamet.

S | Dat lea árvvolaš ja riekta.

Álggahus – máidnun pefašuvdna

Álggahanmáidnun gullá jogo girkojahkáii (gč. s. 2.XX-2.XX) dahje heivehuvvo juohke eahkedismálisrohkosii (gč. s. 2.XX-2.XX)

Bassi sanctus

Buo lávlot | Bassi, bassi, bassi lea Hearrá Sebaot, oppa eanan lea dievva du hearvásvuodas. Hosianna allagasas. Buresivdniduvvon lehkos son guhte boahtá Hearrá nammii. Hosianna allagasas.

Rihpparohkos Ásahussániiguin verba

Eahkedismálisrohkosat ásahussániiguin, gč. s. 2.XX

Dajadettiin ásahussániid lokte liturga vuoss diskka, de geara.

Maŋŋil ásahussániid sáhttet liturga ja searvegoddi cealkit:

L | Čieŋal lea oskku čiegusvuohta.

Buo | Kristus jámii. Kristus bajásčuožžilii. Kristus máhccá.

Čuovvovaš cealkká sáhtá lasihuvvot:

Sutnje lehkos gudni ráhkisvuođa ovddas mii lea gievrrat go jápmin.

Áhččámet

Lohkkojuvvo dahje lávlojuvvo.

Buo | Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beivválaš láibbi.

Ja atte midjiide min suddid ándagassii,

nugo mii ge ándagassii addit velggolaččaidasamet.

Ale ge doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Amen.

DAHJE

Buo | Áhčči min, don guhte leat almmis.

Basuhuvvos du namma.

Bohtos du riika.

Šaddos du dáhttu

mo almmis nu maiddái eatnama alde.

Atte midjiide odne min beivválaš láibámet.

Ja atte midjiide min suddideamet ándagassii,

nugo maiddái mii ándagassii addit min velggolaččaidasamet.

Ja ale doalvvo min geahččalusa sisa,

muhto beastte min bahás eret.

Dasgo du lea riika ja fápmu ja gudni agálašvuhtii.

Amen.

21 | Eahkedismállásat

Ráfidearvvahus pax

L | Ipmila ráfi lehkos dinguin.

S | Ipmila ráfi lehkos duinna.

Jos galgá ollisleappo ráfidearvvahus, de gč. *Ipmilbálvalusa váldoosiid láidehusa s. 8.XX*

Dás sáhtá čuovvut:

Láibbi doadjin

Go lea láibedoadjin, de liturga sáhtá dadjat:

L | Láibi maid mii doadjalit, addá midjiide oasálašvuođa Kristusa rupmašii.

Viidni maid mii juhkat, addá midjiide oasálašvuođa Kristusa varrii.

Buhtes Ipmila Láppis agnus dei

Liturga sáhtá cealkit dás dahje Ipmil Láppis maŋŋil:

L | Bohtet, dasgo buot lea gárvvistuvvon.

Buo lávlot | Buhtes Ipmila Láppis, guhte guottát máilmmi suttu,

árpmi min badjelii.

Buhtes Ipmila Láppis, guhte guottát máilmmi suttu,
árpmi min badjelii.

Buhtes Ipmila Láppis, guhte guottát máilmmi suttu,
attášit du ráfi.

Juogadeapmi

Juogadanvuogit, gč. *Ipmilbálvalusa váldoosiid láidehusa s. 8.XX*

Juogadeami áiggi sáhtta lávlut ovttá dahje eanet sálmmaid, dahje sáhtta leat koarralávlun dahje eará heivvolaš musihkka.

Juogadansánit leat ná:

Dát lea Jesusa rumaš.

Dát lea Jesusa varra.

DAHJE

Kristusa rumaš, du ovddas addojuvvon.

Kristusa varra, du ovddas golggahuvvon .

Juohkehaš sáhtta vástidit: Amen.

Dat gii juohká láibbiid, sáhtta giehtabidjamiin dahje ruossamearkkain buressivdnidit mánáid ja earáid geat bohtet ovdan, ja geat čájehit ahte eai vuostáiváldde láibbi ja viinni.

Buressivdnádussátnin ávžžuhuvvo:

Herrá buressivdnidivččii ja várjalivččii du.

DAHJE

Herrá buressivdnidivččii du ja várjalivččii du ja láidešii du agálaš eallimii.

DAHJE

Herrá buressvidnidivččii du ja várjalivččii du buot bahás ja láidešii du agálaš eallimii.

Go juogaduvvo oktasaš čippostemiin, de ráfisávdaga sáhtá cealkit loahpas dahje juohke čipposteami maŋŋil.

Maŋŋil juogadeami:

L | Russiinávejuvvon ja bajásčuožžilan Jesus Kristus lea dál addán midjiide [munnuide] bassi rupmašis ja varas, man son attii lonástussan buot min [munno] sudduid ovddas.

Buo dahje L | Son nannešii ja bisuhivččii min duohta oskkus agálaš eallimii.

L sáhtá lasihit | Ráfi lehkos dinguin.

22 | Eahkedismállása loahpaheapmi

Giittosrohkos

Dás rohkadallo okta čuovvovaš giittosrohkosiin, jogo hábmejuvvon báikkálaččat, dahje eará heivvolaš giittosrohkos:

L/ML | Mii giitit du, árbmugas Ipmil, guhte láibbiin ja varain leat dahkan min oasálašžan Jesus Kristusa vuitui go son jámii ja bajásčuožžilii.

Buo dahje L/ML | Nanne min Vuoiŋŋainat vai mii sáhttit duođaštit ja bálvalit máilmmis.

DAHJE

L/ML | Mii giitit du, almmálaš Áhččámet, du buressivdniduvvon attáldagaid ovddas. Mii rohkadallat ahte don dáid attáldagaiguin várjalivččet min vai mii

bisošimmet oskkus dutnje, ovttahtášit min ráhkisvuodainat ja nannešit mis agálaš eallima doaivaga, Jesus Kristusa dihtii.

DAHJE

L/ML | Oskkáldas Ipmil, gásttas don leat addán midjiide máná vuoigatvuoda ja dahkan min iežat riikka árbbolažžan. Mii giitit du dáid mállásiid ovddas, main don leat addán midjiide sudduid ándagassii ja ođasmahtán min oskku du lohpadusaide.

Buo dahje L/ML | Nanne min Vuoinjainat eallit du duodašteaddjin ja bálvleaddjin máilmmis.

DAHJE

L/ML | Viisodaga Ipmil, mii giitit du du mállásiid čiekŋalis čieguvuoda ovddas: Láibi man mii leat doadjalan, bissu oktan láibin. Du Bárdni lea addán heakkas oktasaš máilmmi ja oktasaš olmmošohkagotti ovddas.

Buo dahje L/ML | Mii rohkadallat: Veahket min gullat dan čuorvasa maid don leat gullan, oaidnit dan heađi maid don leat oaidnán, ja ráhkistit min lagamučča nugo iehčamet.

Gearra ja diska gokčojuvvojit gearraliinniin. Gearra, diska, viidnegátnu ja láibelihti sáhttet fas biddjojuvvot liigebeavdáii.

V. vuolggahus

23 | Sálbma

Sálmma sáhtta sirdit 26. lađđasii, Postludium/Olggosmannanprosešuvdna.

24 | Buressivdnádus

Buressivdnádussánit maid sáhtta atnit eará válđoipmilbálvalusain go allameassus,

Gč. s. 2,XX

Buressivdnádus lohkkovuođđahje lávlovuođđahje.

Searvegoddi čuođu buressivdnádusa áigge.

Buressivdnádusa sáhtta vuostáiváldit nu ahte juohkehaš russe iežas.

Buressivdnádusa álggahus sáhtta leat:

Máidnun benedicamus

L/ML lávlu | Máidnot Hearrámet.

S | Máidnojuvvon lehkos Ipmil. Halleluja. Halleluja. Halleluja.

DAHJE

Dearvvahus salutatio

L cealká dahje lávlu | Hearrá lehkos dinguin.

S | Ja Hearrá lehkos duinna.

DAHJE

L cealká | Vuostáiváldet buressivdnádusa.

Buressivdnádus

L cealká dahje lávlu | Hearrá buressivdnidivččii du ja várjalivččii du.

Hearrá divttášii muođuidis čuovgat du badjelii ja livččii dutnje árbmugas.

Hearrá bajidivččii čalmmiidis du ala ja attášii dutnje ráfi.

S | Amen. Amen. Amen.

Golmma geardde golbmii bielločuodjalahttin

25 | Vuolggahus

Jos searvegoddi báhcá čohkkát postludiuma áigge, de vuolggahussánit sáhttet celkojuvvot postludiuma manjil.

L/ML | Vulgot ráfis,

Buo | Jesus Kristusa nammii.

DAHJE

L/ML | Vulgot ráfis,

Buo | ja bálvlehkot Hearrá iluin.

DAHJE

L/ML | Mannet ráfis.

DAHJE

L/ML | Mannet ráfis. Bálvlehket Hearrá iluin.

dahje eará vuolggahussátni mii heive beaivvi iešvuhtii. Lea maddái vejolaš hábmet sierra vuolggahussániid. Gč.

s. 2,XX

26 | Postludium / Olggosmannanprosešuvdna

Jos lea olggosmannanprosešuvdna, de searvegoddi sáhtá čuovvulit prosešuvnna.

Postludiuma sadjái sáhtá searvegoddi lávlut sálmma olggos váccedettiin.

Maŋŋil ipmilbálvalusa sáhtá girkolatnja leat rabas oanehassii, goas lea vejolaš jaskadit rohkadallat dahje jurddašit.

Diakonalaš bargu vuolggahusa maŋŋil sáhtá čuovvuluvvot čoagganemiin, bassi mállásiiguin buhcciide, eará galledemiin, ovddasrohkobálvalusain ja eará daguiguin.

((Dákko bohtá tabealla))

Allameassu čuovvu dan struktuvrra mii oidno gurutbeale gurgadasas. Eará struktuvrrat leat ovdamearkkat mo báikkálaččat sáhtá hábmet eará válđoipmilbálvalusaid go allameassu. 4. ovdamearkkas sáhtá dieđusge maiddái leat Rohkosčuorvvas Kyrie. Dát struktuvra sáhtá maiddái adnot ipmilbálvalusain main leat eahkedismállásat. Dat sáhtá leat vuogas go leat ollu smávit mánát mielde. Dalle sáhtá välljet «Eahkedismálistortnet sierra diliide» (s, 2.XX), ja atnit oaneheamos rohkosmolssaeavttu ovdal áhahussániid.

Dát lađđasat galget leat mielde buot válđoipmilbálvalusain:

- Sálmmat
- Álggahansánit
- Čoaggananrohkos
- Suttudovddastus

- Teakstalohkan (evangelium)
- Sárdni
- Oskudovddastus
- Ovddasrohkos
- Áhččámet / Áhččimin
- Buressivdnáduš (*allameassus adno aronlaš buressivdnáduš, eará ipmilbálvalusain sáhtta atnit eará buressivdnádušaid*)

Dábálaččat galget lágiduvvot eahkedismállásat váldoipmilbálvalusas.

Čoaggananrohkosat

Mielliturga dahje olles searvegoddi rohkadallet čoaggananrohkosiid. Go suddovddastus lea biddjojuvvon čoaggananoassái, mielliturga rohkadallá čoahkkanrohkosa, muhto olles searvegoddi rohkadallá suddovddastusa.

1

Bassi Ipmil, mii leat čoagganan du muođuid ovdii

šaddat oasálašžan du ráhkisvuhtii ja duohtavuhtii.

Vuolggahivčččet midjiide Vuoiŋŋat

ja rabastivčččet min váimmuid du attáldagaide.

Divttášit sánát ruohtasmuvvat min váimmuide,

vai Kristus eallá min siste, ja mii šaddat oktan du siste
ja bálvalit du álelassii.

2

Buorre Ipmil, don gii attát heakka buot heakkalaččaide,
mii máidnut du eatnama čábbodaga dihtii,
ja buot áššiin main mii dovdat du buorrevuođa.

Dás du muođuid ovddas mii rohkadallat: Atte midjiide guldaleaddji beljiid,
giitevaš váimmu ja veahkkás giedaid,
vai mii beassat gullat du sáni, máidnut du du buorrevuođa dihtii,
ja sániiguin ja daguiguin duođaštit du stuorra daguid.

3

Herrá, mun lean boahtán dán du bassi vissui
vuostáiváldit dan maid don Ipmil Áhčči, mu sivdnideaddji,
don Herrá Jesus, mu beasti,
don bassi Vuoigŋa, mu jedđejeaddji eallimis ja jápmimis,
áiggut munnje addit.

Rabastivččet dál mu váimmu bassi Vuoigŋat bokte,
vai mun moraštivččen suttuidan dihtii,
oskkošin du árbmui

ja oktan oppa du álbmogiin
ođasmahttojuvvošin juohke beaivvi
duohta ja bassi eallimii.

4

Ipmil, mii leat boahtán du bassi vissui
vuostáiváldit dan maid don áiggut midjiide addit.
Rabas dál min váimmu,
vai min osku dutnje ođasmahttojuvvošii.

5

Buohkat sáhttet rohkadallat rohkosa, dahje dat sáhtta leat “geardduhanrohkos”, nu ahte dat gii jođiha rohkosa
dadjá ovta cealkaga hávil, maid searvegoddi geardduha.

Ipmil, don leat gasku min gaskkas.
Don birastahtát min ollásit.
Doala min giedastat.

6

Go dát čoaggananrohkos sistsidoallá suddovddastusa, de dat guđđojuvvo muđui ipmilbálvalusas.
Rohkos lávlojuvvo vuorrolávllan liturgga, mielliturgga (luhkkára/-riid) ja searvegotti gaskkas.

L | Oskkáldas Ipmil, don attát midjiide ođđa eallima bassi gásttas.

Mii merkejuvvot ruossamearkkain. +

L/ML | Mii leat du mánát. Ođasmahte odne min oskku ja min ráhkisvuođa.

Mielliturga goive čázi golmma geardde gástalihtis.

L | Dego arvedávgi čuvget du lohpadusat, Ipmil – du lihtu mearkan juohke sivdnádusain.

ML | Mii boahit du lusa giitosiin ja lávlagiin.

S | Mii boahit du lusa giitosiin ja lávlagiin.

ML | Don leat min doaivu.

S | Don leat min doaivu.

L | Don dovddat min eallima. Ii mihkkege leat čihkkojuvvon.

ML | Mii leat dahkan du dáhtu vuostái, mii rihkkut du báhkкомиid.

S | Mii leat dahkan du dáhtu vuostái, mii rihkkut du báhkкомиid.

ML | Atte Ipmil, ándagassii.

S | Atte Ipmil, ándagassii.

L | Don bajásčuoččáldahttet Jesusa hávddis.

Gásttas mii ge čuoččáldahttojuvvot ođđa eallimii sinna.

ML | Dego arvedávgi čuvget du lohpadusat, Ipmil

S | Dego arvedávgi čuvget du lohpadusat, Ipmil

ML | – du lihtu mearkan juohke sivdnádusain.

S | – du lihtu mearkan juohke sivdnádusain.

7

Dát rohkos heive earenoamážit ipmilbálvalusain gos leat ollu mánát.

Mánájoavku sáhtta čuožžut searvegotti ovddas ja čájehit mearkkaid. Searvegottelahtut geat háliidit, sáhttet dahkat giehtalihkastagaid mánáiguin searválagaid.

Bajiduvvon giedat

ML/L | Ráhkis Ipmil, don leat min luhtte.

Cahkket čuovggat min siste.

Giedat ruossalassii rattis

ML/L | Ráhkis Jesus, don vádjolat minguin.

Divtte min eallit du ráfis.

Giedat vuostálagaid ratti ovddas, suorbmagežit bajás

ML/L | Ráhkis Ipmil, don oainnát min.

Vuostáiváldde min jurdagiid ja jaskes rohkosiid.

Giedat geigejuvvon ovddos goapmirat bajás

ML/L | Ráhkis Jesus, don válddát min giedaid iežat giedaide.

Láide min buori geainnu mielde.

Mii váldit gihtii dan gii čohkká min bálddas

ML/L | Buorre Bassi Vuoigna, giitu go mii eat leat okto.

Veahket min oaidnit guhtet guimmiideamet ráhkisvuodain.

8

Bassi Ipmil, don gii leat addán midjiide eallima attáldahkan:

Giitu go válddát min vuostái gásttas

ja nannet min eahkedismállásiin.

Láide min sániinat

ja raba min váimmuid du attáldagaide.

9

Modealla báikkálaš hábmejuvvon čoaggananrohkosi

Muhtin ipmilbálvalusaide sáhttet adnot eará čoaggananrohkosat go dat mat dás leat. Rohkosiid sáhtta váldit iešguđet báikkiin, dahje sáhtta daid hábmet báikkálaččat.

(Dása galgá tabulator...)

1 Rohkos galgá čuovvut min girku oskku ja dovddastusa, ja das galgá leat liturggalaš ja poehtalaš bissovašvuohta.

2 Rohkosa deataleamos oassi lea govvidit dan ahte mii leat ovttas Ipmila muođuid ovddas, searvivuohtan, ovttaskas olmmožin ja sivdnádusa oassin.

Rohkos galgá čájehit vuordámuša ja ilu go mii deaivvadit Ipmiliin ipmilbálvalusas.

3 Čoaggananrohkos sáhtta deattuhit iešguđet lágán fáttáid, ovdamearkka dihtii:

- Giitevašvuohta go Ipmil lea gávdnan ja vuostáiváldán min (Luk 15)
- Sotnabeaivi bajásčuožžileami beaivin
- Jesus Kristusa lagašvuohta go mii čoagganit su nammii
- Áibbašeapmi Ipmila vissui
- Ipmila háldui bidjan
- Gástamuittuhus
- Rabasvuohta Sáni duddjomii min eallimis
- Čoagganeapmi Sáni ja sakrameanttaid birra
- Rávkojupmi vuolgimii ja čuovvuleapmái

10

Čoaggananrohkos maŋŋil lihkuhisvuođaid ja roasuid

Go lihkuhisvuohta dahje roassu lea dáhpáhuvvan guovllus, riikkas dahje eará sajis máilmmis, de lea lunddolaš ahte dat gullo ja oidno válđoipmilbálvalusa álgaheamis.

Dát berre dahkkojuvvot go lihkuhisvuohta dahje roassu lea dakkár ahte váikkuha olles searvegoddái, dahje ahte ođas dan birra lea beaggán ja searvegoddí danin ádde manin dát namuhuvvo. Go lihkuhisvuohta ja moraš guoská ovttá dahje moatti searvegodelahttui, de lea lunddoleappo namahit dan searvegotti ovddasrohkosis.

Okta dahje eanet heivvolaš biibbalsánit sáhttet adnot čoahkkanarohkosa sajis, omd. Sal 130, 1–2; Sal 38, 22–23; Sal 44, 25–27; Sal 10,1; 12b; 14.

Oktanaga biibbalbáikkiin, dahje dan sadjái, sáhtta rohkadallat heivvolaš rohkosa, báikkálaččat hábmejuvvon dahje vižžojuvvon Morašipmilbálvalusas, Norgga girku rohkogirjjiis dahje eará gálđuin. Rohkosin sáhtta maiddái vuogas sálbmavearsa adnot, omd. “Mii geiget guoros giedaid dal (1.v.) [dahje “Herre, mätte dette skje” (1.v.)].

Rohkosa sáhtta álggahit mottiin sániin lihkuhisvuoda dahje roasu birra. Jos biibbalsátni adnojuvvo, de sáhtta liturga cealkit:

L | Min iežamet sánit leat geahnuheamit go ipmirmeahtun deaivida. Danin mii ohcat sániid Biibbalis min váidalusaide ja rohkosiidda.

Maŋŋil rohkosa sáhtta leat jaskatvuolta mii álggahuvvo ná:

L | Jaskkodehкот jurddašettiin ja rohkadaladettiin.

Dan maŋŋil berre ipmilbálvalusa joatkit Kyrie eleisonain dahje heivvolaš kyrielitanijain.

suttudovddastusat ja lohpadussánit

Buohkat lohket suttudovddastusa ovttajitnii.

1

Ipmil, leage muinna árbmugas!

Mun lean suddudan du vuostái ja lean beahtán lagamužžan

– jurdagiiguin, sániiguin ja daguiguin

ja dainna mii lea báhcán dagakeahtta.

Atte munnje suttuid ándagassii Jesus Kristusa dihtii.

Sivdnit munnje buhtes váimmu,

ja atte munnje fámu ođđa eallimii Bassi Vuoiŋŋat bokte.

2 (1 oaniduvvon hámis)

Ipmil, leage muinna árbmugas!

Atte munnje sudduid ándagassii Jesus Kristusa dihtii.

Sivdnit munnje buhtes váimmu,

ja atte munnje fámu ođđa eallimii bassi Vuoiŋŋat bokte.

3

Ipmil, don dovddat ja ráhkistat min buohkaid.

Mii leat dahkan du dáhtu vuostái.

Mii leat vajáldahttán du ja dan maid don dáhtut min dahkat.

Mii leat jurddašan iežamet eanet go earáid.

Atte midjiide ándagassii Jesusa dihtii.

4

Ipmil, leage munnje árbmugas ráhkisvuodastat,

Sihko mu rihkkuma stuorra váibmoláđisvuodastat.

Sihko mu sudduvealggi

ja buhtis mu suddus eret.

Geahča, don illudat duohtavuodas mu siste,

don oahpahat munnje viisodaga siskkimussii.

Ipmil, sivdnit munnje buhtes váimmu,
atte munnje odđa ja bissovaš vuoiŋŋa.

5

Bassi Ipmil,
don leat čájehan midjiide iežat buori dáhtu eallimii.

Don leat addán midjiide ovttá eatnama
orrunsadjin buot olbmuide.

Mii dovddastit ahte
min miellaguottut ja min dagut
vahágahttet du sivdnádusa.

Atte midjiide min sudduid ándagassii.

Atte midjiide viisodaga ja duostilvuodá
dahkat du dáhtu mielde.

6

Bassi Ipmil, almmálaš Áhčči,
geahča árpmuin munnje, suddolaš olbmui,
guhte lean rihkkon du vuostái jurdagiiguin, sániiguin ja daguiguin
ja dovddan bahás anistumi váimmustan.

Jesus Kristusa dihtii,
leage muinna gierdavaš.

Atte munnje ándagassii buot mu sudduid

ja atte munnje aivvefal dus ballat ja du ráhkistit.

7

Suttudovddastus – báikkálaččat heivehuvvon

Muhtin ipmilbálvalusain sáhttet adnojuvvot eará suddudovddastusat go dat mat dás leat mielde. Rohkos sáhtá váldojuvvot iešguđet gálduin, dahje hábmejuvvot báikkálaččat.

1 Suttudovddastus galgá ovdanbuktit min girku oskku ja dovddastusa, ja das galgá leat liturggalaš ja poehtalaš bistevašvuohta.

2 Suttudovddastus ii berre leat menddo sátnái. Gárvves hábmejuvvon suddudovddastusat sáhttet leat mállen.

3 Suttudovddastus galgá čájehit erohusa Ipmila buori dáhtu ja olbmuid eallima, suttu ja váilevašvuođaid gaskkas.

4 Suttudovddastus guoská sihke olbmuid oktasaš eallimii ja ovttaskas olbmo eallimii. Goappašagat leat mielde, beroškeahhtá suddudovddastusa hámis (*mun* dahje *mii*). Báikkálaččat hábmejuvvon suddudovddastus sáhtá dan dihtii hábmejuvvot sihke mun-hámis ja mii-hámis.

5 Ipmilbálvalusain nugo Sivdnádusa beaivvi dahje ipmilbálvalusain main leat fáddán fástu ja gáhtamuš, sáhtá leat lunddolaš geavahit oktasaččat hábmejuvvon suddudovddastusa. Dalle suddudovddastus sáhtá fátmastit eambo go dábálaš ipmilbálvalusain.

lohpádussánit

Ovttá dáin dahje eará lohpádussáni sáhtta dadjat suddovddastusa manjil:

L | Ipmila sátni cealká: Jos mii dovddastit sudduideamet, de son lea oskkáldas ja vánhurskkis, ja addá midjiide min sudduid ándagassii ja buhtista min buot vearrivuodas. 1 Joh 1,9

L | Nu allat go albmi lea eatnama bajábealde, nu stuoris lea Hearrá árbmu sidjiide geat ballet sus. Nu guhkkín go nuorti lea oarjjis, nu guhkkín son doalaha min sudduid mis eret. (...nu guhkás son gáidada min sudduid.) Sal 103, 11-12

S/ML | Buorre Ipmil, giitu go geaidnu du lusa álo lea rabas Jesus Kristusis. Veahket min oskut du ándagassii addojumi sátnái.

S/ML | Buorre Ipmil, giitu go geaidnu du lusa álo lea rabas Jesus Kristusis. Veahket min eallit du ándagassii addojumis.

S/ML | Buorre Ipmil, giitu go geaidnu du lusa álo lea rabas Jesus Kristusis. Veahket min eallit du árpmus.

rohkosčuorvasat

kyrie ja kyrielitaniija

kyrie eleison

Iešguđet lágán rohkosčuorvasiid ja kyrielávlagiid gávdná dohkkehuvvon sálbmagirjiin, ja maidđái Norgga girku digitála ipmilbálvalusvuorkkás.

Kyrielitaniija

1

L/ML | Herra Jesus, don leat min ráfi.

Buo | Kyrie eleison.

L/ML | Don čohkket dan mii lei biđgejuvvon.

Buo | Kyrie eleison.

L/ML | Don buvttát midjiide ilolaš sága.

Buo | Kyrie eleison.

L/ML | Don attát midjiide suddid ándagassii addojumi.

Buo | Kriste eleison.

L/ML | Don leat vuoitán jápmima.

Buo | Kriste eleison.

L/ML | Don attát midjiide ođđa eallima.

Buo | Kriste eleison.

L/ML | Don guhte čohkkát Áhči olgeš bealde,

Buo | Kyrie eleison,

L/ML | don máhcat hearvásvuođas.

Buo | Kyrie eleison.

L/ML | Don čohkket oskkolaččaidat Áhči riikii.

Buo | Kyrie eleison.

2

Vuohki mo hábmet kyrielitaniija

Ovttas sáhtá hábmet kyrielitaniija muhtin sierra ipmilbálvalussii. Sáhtá heivet bures ipmilbálvalusaide konfirmašunáiggi, ipmilbálvalusain main nuorat leat mielde ráhkkaneamis ja čadaheamis, ja ipmilbálvalusain omd. Sivdnádusa beaivvi, Davvi/lulli-sotnabeaivvi, Ráfi- ja olmmošvuoigatvuodasotnabeaivvi, Doarrádallojuvvon olbmuid sotnabeaivvi, Diakoniija sotnabeaivvi ja fástuáiggi sotnabeivviid.

Sáhtá hábmet áigequovdilis “čuorvasiid” ja válljet kyriegearduma (áinnas golmmalađasgeardun) maid lávlu “čuorvasiid” gaskkas. “Čuorvasat” sáhttet hábmejuvvot oanehis mitalussan, duođaštussan dahje eará govvideaddji, konkrehtalaš cealkkan sin beales geat váidalit headiset.

“Čuorvasat” sáhttet gullot iešguđet báikkis girkolanjas. Dat sáhttet maiddái dahkkojuvvot drámá, dánssa, govaid ja eará hámis.

máidnunlávlla gloria

1

Du hearvásvuođa ovddas mii,
o Áhčči gopmárdallat,
ja ráhkisvuođat ovddas mii

du giitit, rohkadallat.
Du fámuin buot lea sivdnidun,
du vuollái buot lea biddjojun,
dus galget buohkat ballat.

O Jesus, Bárdni eahcálaš,
gii čohkkát Áhči luhtte,
don Áttán mánáid lonistit,
min Hearrá, soabaheaddji.
Du varain ja du jápmimiin
don čovdet suttu vealggis min
ja rahpet midje almmi.

Du duoji bokte, Bassi Vuoign',
Mii gávdnat čuovgas, ilu.
Don soađis gievran dagat min,
vai máhttit vuoittu vuoittit.
Don Sáhtán vuostái veahkehat
ja váibmui oskku sivdnidat
min Jesus ala. Amen.

teaksta: Nicolaus Decius 1523 *Gloria* ja *Laudamus* mielde
nuohtta: 900-1 / Valentin Schumann 1539
sámás: L.J. Hætta & J.A. Friis

2

Mii máidnut du, mii giitit du,
Sivdnideaddjámet ja Hearrámet.

O Jesus Kristus, don Ipmila Bárdni,
leage agálaččat buressivdniduvvon!
Don guddet buot máilmmi suttu ja heahpada,
árpmat min, Ipmila Láppis,
Bassivuoign'ja bokte. Amen.

3

Sálbma «Sivdnidii buot, Ipmileamet», sáhtta leat dáinna álggahusain:

L/ML | Lávlot Hearrái, máidnot su

ja rámidetket Hearrá nama.

DAHJE

L/ML | Gudni lehkos Ipmilii allagasas

S | ja ráfi eatnama alde olbmuid geaid Ipmil árpmiha.

4

L/ML | Gudni lehkos Ipmilii allagasas

S | ja ráfi eatnama alde olbmuid geaid Ipmil árpmiha.

Mii máidnut du, mii rámidit du, mii bálvalit du, mii bajidit du.

ML | Máidnojuvvon lehkos Ipmil, sivdnideaddjemet, mii ávuin ja lávlumiin máidnut du.

S | Mii máidnut du, mii rámidit du, mii bálvalit du, mii bajidit du.

ML | Máidnojuvvon lehkos Jesus, beastámet, min rápmi badjána dutnje.

S | Mii máidnut du, mii rámidit du, mii bálvalit du, mii bajidit du.

ML | Máidnojuvvon lehkos Vuoigŋa, jedđejeaddjámet, mii ávvudit du daguid dihtii.

S | Mii máidnut du, mii rámidit du, mii bálvalit du, mii bajidit du.

5

L/ML | Gudni lehkos Ipmilii allagasas

S | ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du, mii bajidit du.

ML | Don, Ipmil, gii ráđđet beaivváža ja násttiid ja rávkkat oidnosii juohke rássečalmmi eatnamis. Du čalbmi oaidná buot máilmmi heađi, ja don leat Áhčči, min Áhčči.

S | Mii máidnut du, mii rámidit du, mii bálvalit du, mii bajidit du.

ML | Jesus Kristus, don guddet min noađi ja loktejit vealggi mis eret. Min luhtte leat agálaččat bajásčuožžilan, álo don rohkadalat min ovddas Áhči luhtte.

S | Mii máidnut du, mii rámidit du, mii bálvalit du, mii bajidit du.

ML | Bassi Vuoigŋa, don ođasmahtát eatnama ámadaju ja attát buot máilbmái heakka. Suttolaččaide don sárdnidat jedđehusa ja láidet min ruoktot Áhči lusa, Áhččámet lusa.

s | Mii máidnut du, mii rámidit du, mii bálvalit du, mii bajdit du. Amen.

Eará heivvolaš sálmmat dahje máidnunlávlagat sáhttet adnot – válljejuvvon ipmilbálvalusa fáttá ja/dahje girkojagi áiggi mielde. Lea maid vejolaš atnit ovttá dahje mánnga máidnunlávllagearduma.

Iešguđet gloriaid ja máidnunlávlagiid gávdná dohkkehuvvon sálbmagirjjiin, ja maiddá Norgga girku digitála ipmilbálvalusgirjerádjosis.

ovddasrohkosat

I. fáddáoasit

Ovddasrohkos girku ja máilmmi ovddas – báikkálaččat

heivehuvvon

Báikkálaččat hábmejuvvon ovddasrohkos sáhtta ordnejuvvot vuolábealde namahuvvon fáttáid mielde.

Juohke fáddájoavkku vuolde leat ollu čoavddasánit mat leat ávkin go searvegoddi ráhkada rohkosa. Go rohkos hábmejuvvo, de ferte válljet muhtin čoavddasániid, sáhtta maiddá válljet eará áigeguovdilis fáttáid dan dilis mii lea ja dan hámi mielde maid háliida ipmilbálvalusas.

Muhtin čoavddasánit leat mielde mánnga fáddáoasis. Dát mearkkaša ahte dat sáhttet geavahuvvot dan ovddasrohkosoasis mas orru áigeguovdil ja lunddolaš.

Fáddáosiid ortnet sáhtta rievdaduvvot. Nu maiddá juohke fáddáoasi čoavddasániid ortnet. Dan láhkái sáhtta ovddasrohkos deattuhit dan mii lea earenoamáš aiddo dán ipmilbálvalusas.

Ovddasrohkos ipmilbálvalusa gittosoaffarii biddjojuvvo dan fáddái mii orru lunddolaš.

1 | Eatnama álbmogat ja našuvnnat

Olbmot headis: olbmot geaidda leat deaividan lihkuhisvuodát ja roasut, geafivuohta, soahti ja riiddut ja eará heahti.

Ráfi ja vuoiggalašvuoda rahčamuš.

Olmmošárvvu várjaleapmi, eallima álggus gitta lohppii.

Sivdnádusa várjaleapmi.

Eará riikkaidgaskasaš orgánat.

Olbmot geain lea jođihanovddasvástádus máilmmiservodagas.

Riikkaidgaskasaš ásahusat ja searvvit.

2 | Iežamet eanan ja álbmot

Olbmot headis: buohccit, ovttaskasat, geafit, olbmot geat gillájit veahkaválddálašvuoda ja illásteami, olbmot geaidda leat deaividan lihkuhisvuodát, roasut ja heahti.

Olbmot geain lea jođihanovddasvástádus (riikka-, guovllu- ja báikkálaš dásis).

Gonagas ja su viessu (gonagasa berre namuhit namain).

Mánáid ja nuoraid bajásšaddandilli.

Inkluderen- ja ovttaiduhhtinbargu.

Olmmošárvvu várjaleapmi, eallima álggus gitta lohppii.

Sivdnádusa várjaleapmi.

Min iežamet riikka oassi máilmmiservodagas.

Eará hálddašandoaibma, riikka- ja guovlludásis.

3 | Máilmmiviidosaš girku ja girku iežamet riikkas

Máilmmiviidosaš girku.

Miššuvdna ja diakoniija.

Miššuvdnaprošeavttat ja ustivuodasearvegottit.

Olbmot geat doarrádallojuvvojit oskkuset dihtii.

Norgga girku jođiheaddjit ja hálddašanorgánat, riikka- ja guovlludásis, ja bismagotti bisma (berre namuhit namain).

Girku ipmilbálvaluseallin, diakoniija ja oskkuoahpahas.

Eará girkoservodagat Norggas.

Oktavuohta ja dialoga eará oskkuservodagaigiuin.

Evangeliuma ovdáneapmi.

4 | Min iežamet searvegoddi, min bearrašat ja báiki gos mii ássat

Báikkálaš searvegoddi, sii geat leat gásttašuvvon, konfirmánttat, mánát, nuorat ja earát.

Olbmot geain lea jođihanovddasvástádus searvegottis.

Áigequovdilis plánat ja proševttat.

Ipmilbálvaluseallin, diakoniija ja oskkuoahpahas.

Olbmot, joavkkut ja lagasbirrasa ásašusat: mánáidgárddit, skuvllat, buhcciid- ja boarrásiidruovttut ja dakkárat.

Bargosajit, bearaš, lagaš oktavuodát, siidaguoimmit, buohkat geat servet ipmilbálvalussii.

Olbmot geat leat bivdán ovddasrohkosa.

Báikkálaš hálldašanbálvalus ja sivdnádusa várjaleapmi.

Rávkojupmi oskui ja bálvalussii.

5 | Áigequovdilis dáhpáhusat

Dás rohkadallá áigequovdilis dáhpáhusaid ovddas dain fáddáosiin bajábealde gosa dat lunddolaččat gullet, dahje sáhttá rohkadallat daid ovddas sierra.

II. Ovddasrohkosvuogit – báikkálaččat heivehuvvon

Ovddasrohkosvuohki 1 (čuovvu fáddáosiid/áššiid)

Go dán rohkosa ráhkkanahttá, de berre čielggadit galgá go dušše namuhit rohkosfáttáid, vai ráhkaduvvojit go ollislaš rohkosat. Rohkosfáddá berre leat oanehaš ja čielgasit hábmejuvvon ja dan láhkái láidestit juohkehačča jaskes rohkosa.

Jos ráhkaduvvojit ollislaš rohkosat, de sáhttá guođdit eret juohke rohkoslađđasa jaskesrohkosa.

ML/L | Rohkadallot eatnama olbmuid ja álbmogiid ovddas.

ML | Mii rohkadallat ... ovddas... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

S | Searvegottévástádus

ML/L | Rohkadallot iežamet eatnama ja álbmoga ovddas.

ML | Mii rohkadallat ... ovddas ... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

S | Searvegottévástádus

ML/L | Rohkadallot máilmmiviidosáš girku ovddas ja min iežamet riikka girku ovddas.

ML | Mii rohkadallat ... ovddas... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

S | Searvegottévástádus

ML/L | Rohkadallot iežamet searvegotti ovddas ja dan báikki ovddas gos mii orrut.

ML | Mii rohkadallat ... ovddas ... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

Jaskes rohkos

Ipmil, mii rohkadallat.

S | Searvegottévástádus

Ovddasrohkos sáhttá loahpahuuvot ná:

ML/L | Jaskatvuodas bidjat mii dál du ovdii dan mii juohkehaččas lea váimmu alde.

Jaskes rohkos

Ipmil, mii rohkadallat.

DAHJE

ML/L | Du giedaide, Ipmil, bidjat mii buot ja buohkaid geaid ovddas mii dál leat rohkadallan, Jesus Kristusa nammii.

S | Searvegottévástádus

Ovddasrohkosvuohki 2 (ginttalcahkkeheapmi)

Dát vuohki sáhttá leat vuogas earret eará ipmilbálvalusain main mánát ja nuorat (omd. konfirmánttat) leat mielde ráhkkanahhtimin ja čadaheamen ipmilbálvalusa.

Vállje 3–6 rohkosfáttá ja hábme daid vuogi mielde mii čájehuvvo vuollelis. Rohkos sáhttá maid hábmejuvvot fáddáosiid mielde (gč. s. 2.XX).

Juohke rohkosoassi sáhttá čađahuuvot ná:

ML/L | Jorgalehkot mii Ipmilii rohkosiin.

Mii cahkkehit gintala ... ovddas

Ginttal cahkkehuvvo ginttalglobas dahje beavddi alde mas leat rohkogintalat.

ja giitit / rohkadallat / ovddas ...

Dás čuvvot okta dahje eanet rohkosat dan rohkofáddái masa ginttal cahkkehuvvui.

Dasto sáhtá čuovvut:

Jaskes rohkos

Ipmil, mii rohkadallat.

S | Searvegottevástádus

Ovddasrohkosvuohki 3

(sálbma)

Sálmmat sáhttet vuohkkasit heivet ovddasrohkosis, áinnas nu ahte lávlu daid ovtta vearssa ain hávil.

Dalle sáhtá hábmet áigeovdilis rohkosiid juohke vearssa vuodul.

Vuogas sálmmat, ovdamearkkat:

Gula áhčči almmis, rohkosa (Sálbmagirji II nr.553)

.....

.....

.....

Ovddasrohkosvuohki 4

(njeallje almmiguovllu)

Dán vuogi sáhtá atnit earret eará ipmilbálvalusain maid fáddá lea miššuvdna ja riikkaidgaskasaš diakonijja.

Ráhkadit áigeovdilis rohkosiid mat čatnasit njealji almmiguvlui,

Ráhkadit rohkosiid mat gusket dan njealji almmiguvlui. Sáhttet leat rohkosat oabbágirkuid ovddas, olbmuid

ovddas geat leat riidduin ja roasuin, sivdnádusa ovddas dahje áigeovdilis áššiid ovddas. Ovddasrohkosa

ipmilbálvalusa giittusoaffara ovddas sáhtá heivehit dakko gokko lea lunddolaš.

Ovddasrohkos sáhtá álggahuvvot ná:

ML/L | Rohkadallot girku ja máilmmi ovddas čuoččastettiin ja jorgalettiin njealji almmiguvlui.

Searvegoddi čuožžila.

1 | Nuorta

ML/L | Mii jorggihit nuorttas ja rohkadallat min oappáid ja vieljaid ovddas doppe.

Searvegoddi jorggiha nuorttas.

Sáhtá cahkkehit gintala nuorttabeallái, ginttalglobas dahje beavddis mas leat njeallje rohkogintala.

Mii rohkadallat ... ovddas/...giitit ... ovddas.

Dás čuvvot okta dahje eanet rohkosat main lea oktavuohhta nuortaguovlluin. Dat gii rohkadallá, loahpaha rohkosa ná:

Ipmil, mii rohkadallat.

Buo | Šaddos du dáhtu, šaddos du dáhtu. Ipmil, šaddos du dáhtu eatnamis. (Du dáhtu miel, du dáhtu miel, du dáhtu miel šaddos dat nu.)
dahje eará heivvolaš searvegoddevástádus.

2 | Oarji

ML/L | Mii jorggihit oarjjás ja rohkadallat min oappáid ja vieljaid ovddas doppe.
Searvegoddi jorggiha oarjjás.
Sáhtá cahkkehit gintala oarjjabeallái, ginttalglobas dahje beavddis mas leat njeallje rohkosgintala

Mii rohkadallat ... ovddas /...giitit ... ovddas.

Dás čuvvot okta dahje eanet rohkosat main lea oktavuolta nuortaguovlluin. Dat gii rohkadallá, loahpaha rohkosa ná:

Ipmil, mii rohkadallat.

Buo | Šaddos du dáhtu, šaddos du dáhtu. Ipmil, šaddos du dáhtu eatnamis.
dahje eará heivvolaš searvegoddevástádus.

3 Lulli / Máddi

ML/L | Mii jorggihit lulás/máttás ja rohkadallat min oappáid ja vieljaid ovddas doppe.

Searvegoddi jorggiha lulás.
Sáhtá cahkkehit gintala lulábeallái / máttabeallái, ginttalglobas dahje beavddis mas leat njeallje rohkosgintala

Mii rohkadallat ... ovddas /...giitit ... ovddas.

Dás čuvvot okta dahje eanet rohkosat main lea oktavuolta nuortaguovlluin. Dat gii rohkadallá, loahpaha rohkosa ná:

Ipmil, mii rohkadallat.

Buo | Šaddos du dáhtu, šaddos du dáhtu. Ipmil, šaddos du dáhtu eatnamis.
dahje eará heivvolaš searvegoddevástádus.

4 | Davvi

ML/L | Mii jorggihit davás ja rohkadallat min iežamet oasi ovddas máilmmis ja girkus.

Searvegoddi jorggiha davás guvlu.
Sáhtá cahkkehit gintala davábeallái, ginttalglobas dahje beavddis mas leat njeallje rohkosgintala

Mii rohkadallat ... ovddas /...giitit ... ovddas.

Dás čuvvot okta dahje eanet rohkosat main lea oktavuolta davviguovlluin. Dat gii rohkadallá, loahpaha rohkosa ná:

Ipmil, mii rohkadallat.

Buo | Šaddos du dáhtu, šaddos du dáhtu. Ipmil, šaddos du dáhtu eatnamis.
dahje eará heivvolaš searvegoddevástáduš.

Ovddasrohkosvuohki 5 (rohkosvázzin)

Rohkosvázzin sáhtta leat ovddasrohkosa áigge, dahje dallego leat eahkedismállásat. Rohkosvázzin sáhtta maid leat sierra vázzinipmilbálvalus.

Vázzima áigge berre leat musihkka, áinnas vurrolagaid čuojanasmusihkka ja lávlun, jogo koarralávlun dahje sololávlun.

Rohkosvázzima ovdamearkkat:

Jaskes rohkos áltárrieggás – vejolaš čippostit ja rohkadallat.

Sierra ovddasrohkos, vejolaččat giehtabidjamiin – dakkár sajis lanjas gos lea veahá sierra.

Buessivdnáduš – olmmoš sáhtta čippustit ja veahkkeliturga bidjá gieđa su oaivvi ala ja cealká buressivdnádusa mii lea hábmejuvvon ovddalgihtii.

Gástamuittuhus – gástalihti guoras. Juohke olmmoš merkejuvvo ruossamearkkain ja sutnje celkojuvvojit lohpadussánit.

Rohkosruhkku – lea vejolaš čállit rohkoslihpuid, dahje tevdnet (mánáide ja rávisolbmuide geaidda lea álkit tevdnet go čállit). Vállje áinnas iešguđet ivnni báhpiriid, ja almmut ahte jus vállje vassis ivnnat báhpira, de dáhttu iežas rohkosa lohkkovuvvot jitnosit. Rohkoslihpuid sáhtta bidjat ruhkuide mat guddovuvvojit áltárii go rohkosvázzin lea nohkan.

Cahkkehit gintaliid – ginttalglobas ja/dahje eará sajis lanjas.

Rihppadovddastus – dat gii dáhttu oažžut celkojuvvo sutuid ándagassii addojumi, čippusta sierra stuolu lusa ja dovddasta sutuidis. Liturga dahje mielliturga bidjá gieđa su oaivvi ala gii lea čippustan ja cealká ándagassii addojumi sániid: «Herrámet Jesus Kristusa sáni ja gohččuma mielde, cealkkán mun dutnje buot du sutuid árbmugas ándagassii addojumi, Áhči ja Bártni ja Bassi vuoiŋŋa nammii.»

Juolgebassan – lea eanemus áigequovdil sierra ipmilbálvalusbeivviid, nugo skilleduorastaga.

Eará oasit, ovdamearkka dihtii dakkárat mat heivejit ipmilbálvalusa fáddái.

Bisánanbáikkít mat addet dieđuid ja veahki čiekŋudahttimii.

Symbolalaš dagut, hábmenhástalusat j.e.

Dáiddabarggut maid luhtte bisána smiehtadit ja rohkadallat, áinnas installašuvnnat dahje ođđaáigge dáiddabarggut maid sáhttá luoikkahit dahje láigohit.

Ipmilbálvalusain main eai leat eahkedismállásat loahpahuvo rohkosvázzin oktasaččat Áhččámet-rohkosiin. Ipmilbálvalusas mas rohkosvázzin ja eahkedismállásat leat oktanis, loahpahuvo vázzin go buohkat leat ožžon eahkedismállásiid, ja liturga oaidná ahte lea áigi loahpahit. Dalle sáhttá rohkosruhu guoddit boššui ja bidjat áltára ala.

Dan maŋŋil čuvvot eahkedismállásiid cealkámušsánit. Dáid sániid maŋŋil sáhttet muhtin rohkosat lohkkjuvvot (jos dat lea ovddalgihtii almmuhuvvon), ja dán oasi sáhttá loahpahit dánna dahje eará heivvolaš rohkosiin:

L | Ipmil, mii bidjat du giedaide buot maid – ja buohkaid geaid – ovddas mii leat rohkadallan, Jesus Kristusa nammii.

III. gárvásit hábmejuvvon ovddasrohkosat

Ovddasrohkos 1

ML/L | Du girku ovddas eatnama alde, oktavuoda ovddas oskkolaččaid gaskkas, evangeliuma ovdáneami ovddas miehtá máilmmi, Ipmil, mii rohkadallat du.

S | Searvegoddevástáduš (oanehis searvegoddevástáduš, lohkkjuvvo dahje lávlojuvvo)

ML/L | Du girku ovddas min eatnamis, min bismma ja min searvegottiid ovddas, buot du bálvaleddjiid ja mielbargiid ovddas, Ipmil, mii rohkadallat du.

S | Searvegoddevástáduš (oanehis searvegoddevástáduš, lohkkjuvvo dahje lávlojuvvo)

ML/L | Oskku nannema ovddas Sáni ja sakrameantaid bokte, oskkáldasvuoda ovddas rohkosis, gierdavašvuoda ja ilu ovddas, Ipmil, mii rohkadallat du.

S | Searvegoddevástáduš (oanehis searvegoddevástáduš, lohkkjuvvo dahje lávlojuvvo)

ML/L | Friddjavuoda ja ráfi ovddas máilmmis, láibbi nealggi gillájeddjiide, vuoigatvuoda báhtareddjiide ja sidjiide geat doarrádallojuvvojit, oktavuoda ovddas rastá rájaid, Ipmil, mii rohkadallat du.

S | Searvegodevástádus (oanehis searvegodevástádus, lohkkovuvvo dahje lávlojuvvo)

ML/L | Min gonagasa ja su viesu ovddas, buohkaid ovddas geain lea jođihanovddasvástádus min gaskkas, mii rohkadallat du, Ipmil.

S | Searvegodevástádus (oanehis searvegodevástádus, lohkkovuvvo dahje lávlojuvvo)

ML/L | Buohkaid ovddas geat buhčet ja leat morrašis, geat leat okto ja hilgojuvvon, buohkaid ovddas geat ellet fillehusain ja váralašvuodas, Ipmil, mii rohkadallat du.

S | Searvegodevástádus (oanehis searvegodevástádus, lohkkovuvvo dahje lávlojuvvo)

ML/L | Ahte don leat min lahka buot headis, ahte mii oččošeimmet bálvalusa fámu, vai mii oktii ollešeimmet agálaš eallimii, Ipmil, mii rohkadallat du.

S | Searvegodevástádus (oanehis searvegodevástádus, lohkkovuvvo dahje lávlojuvvo)

Dás sáhtá čuovvut jaskes rohkos dáid sániid maŋis:

ML/L | Jaskatvuodas mii bidjat du ovdii dan mii guđesge lea váimmu alde.

Jaskes rohkos

ML/L loahpaha ná:

Ipmil, mii rohkadallat.

S | Searvegodevástádus (oanehis searvegodevástádus, lohkkovuvvo dahje lávlojuvvo)

Ovddasrohkos 2

Buotveagalaš, agálaš Ipmil, mii giitit du

ja máidnut du bassi nama,

dasgo don leat buorre, ja du váibmoláđisvuolta ii goassege noga.

Mii rohkadallat máilmmiviidosas girku ovddas.

Bisut oktavuoda buot oskkolaččaid gaskkas.

Divtte evangeliuma ovdánit buot riikkain.

Geahča árpmuin dan álbmogii masa addet

lohpadusaidat boares lihtus.

Nanne sárđnideddjiid ja miššunbargiid

ja buohkaid geat sohtet oskku buori soađi.

(Mii rohkadallat ... ovddas. *Sáhtá namahit áigeguovdilis rohkospáttáid*)

Doala min gitta duohtavuodastat.

Ipmil, dan mii rohkadallat.

S | Searvegodevástádus

Mii rohkadallat iežamet searvegotti ovddas.

Atte midjiide roahkkatvuoda ja dáhtu bálvalit du.

Nanne min Sáni ja sakrameanttaid bokte,

vai mii oččošeimmet fámu ja dáhtu bissut ovttas bahás fámuid vuostái.

Rávka konfirmánttaid eallit oskkus ja bálvalusas.
(Mii rohkadallat ... *sáhtta namahit áigeuovdilis rohkosfáttáid*)
Láide min sániinat ja viisodagainat.
Ipmil, dan mii rohkadallat.
s | Searvegoddevástádus

Mii rohkadallat olbmuid ovddas geat gillájit,
buhcciid ja ovttaskasaid ovddas,
ruovttuhemiid ovddas,
báhtareddjiid ja soađi gillájeddjiid ovddas,
buhkaid ovddas geat gillájit vuoigatmeahttunvuoda ja sordojuvvojit,
ja buhkaid ovddas geat aiddo leat bohtán min riikii.
(Mii rohkadallat ... ovddas. *Sáhtta namahit áigeuovdilis rohkosfáttáid*)
Veahket min várjalit olmmošárvvu ii rihkkojuvvo
eallima álggu rájes gitta lohppii.
Ipmil, dan mii rohkadallat.
s | Searvegoddevástádus

Mii rohkadallat máilmmi ovddas.
Várjal buot eatnama olbmuid dulvvis ja goikkádagain,
ja buressivdnit min buriin ja ávkkálaš dálkkiin.
Atte midjiide dáhtu gáhttet eatnama maid don leat addán midjiide.
Atte ráfi ja friddjavuoda olbmuide ja álbmogiidda,
vuoigatvuoda servodagas ja bargoeallimis,
buresivdnádusa min bargui,
ja máhtu ja dáhtu juogadit vuoiggalaččat.
(Mii rohkadallat ... *sáhtta namahit áigeuovdilis rohkosfáttáid*)
Atte midjiide du ráfi.
Ipmil, dan mii rohkadallat.
s | Searvegoddevástádus

Ovddasrohkos 3

Agálaš Ipmil, almmi ja eatnama sivdnideaddji,
Mii giitit ja máidnut du buot du buorrevuoda ovddas midjiide.
Mii rohkadallat du sivdnádusa ovddas.
Veahket min hálddašit dan guhtet guimmiidasamet ávkin.
Láide álbmogiid ja našuvnnaid eallit oktavuodas ja ráfis.
Várjal min gonagasa ja su viesu.
Atte viisodaga ja roahkkatvuoda buhkaide geain lea jodihanovddasvástádus
min gaskkas.
(Mii rohkadallat ... *dás sáhttet čuovvut konkrehta rohkosat mat gusket fáddái*)

Gáhtte min gáđašvuodas ja láitimis,
ja veahket min eallit ráfis ja soabalašvuodas.
Ipmil, mii rohkadallat.

s | Searvegoddevástádus

Mii rohkadallat buohkaid ovddas geat ellet geafivuodas.
Leage sin dorvu ja oadjebasvuohta geat báhtarit nealggis ja roasuin,
Mii rohkadallat ráfi Jerusalemii ja rohkadallat ráfi buohkaide
geaid doaivva lea čadnojuvvon dán gávpogii.
Mii rohkadallat vearjjohis heakka ovddas.
Leage buot buhcciid luhtte, ja sin luhtte geat dárbbášit veahki.
Mii rohkadallat buohkaid ovddas geat váillahit oktavuoda ja gullelašvuoda.
Doala várjaleaddji gieđat mánáža badjel eatni heakkas.
Veahket sin geat gillájit veahkaválddi ja illásteami.
(Mii rohkadallat ... *dás sáhttet čuovvut konkrehta rohkosat mat gusket fáddái*)
Daga min guldaleaddji, jedđejeaddji ja dálkkodeaddji bálvleaddjin.
Ipmil, mii rohkadallat.

s | Searvegottévástádus

Mii rohkadallat du girku ovddas eatnama alde.
Deavdde dan Vuoinñainat.
Várjal min vearríoahpus ja jápma ipmilbálvleamis.
Leage sin lahka geat doarrádallojuvvojit du nama dihtii.
Mii rohkadallat min bismma (*namma sáhtta namuhuvvot*) ovddas
ja buohkaid ovddas geain lea jođihanovddasvástádus min girkus.
Mii rohkadallat searvegotti ovddas, ipmilbálvalusaid ja čoagganemiid ovddas,
daid ovddas geat leat gásttašuvvon/geat odne gásttašuvvojit (*gástamánát
namuhuvvojit ovdanamain*),
sin vánhemiid, ristvánhemiid ja sin lagas olbmuid ovddas.
Mii rohkadallat konfirmánttaid ovddas.
Veahket sin gávdnat du geainnu eallimis.
Divtte sin dovdat iežaset fátmastuvvon du ráhkisvuodas.
(Mii rohkadallat ... *dás sáhttet čuovvut konkrehta rohkosat mat gusket fáddái*)
Atte midjiide soabalaš miela go deaivvadit olbmuiguin geain lea eará osku dahje
jáhku,
amamet dubmet ja gielistit guhtet guimmiideamet birra.
Ipmil, mii rohkadallat.

s | Searvegottévástádus

Buorre Ipmil, mii rohkadallat min oktavuodaid ovddas
searvegottis, bearrašis, ustibiid gaskkas ja lagas birrasis.
Mii rohkadallat mánáidgárddiid ja skuvllaid ovddas,
fitnodagaid ja bargosajiid ovddas ja sin ovddas geain ii leat bargu.

Leage sin lahka geat rahčēt eallimis,
(Mii rohkadallat ... *dás sáhttet čuovvut rohkosat báikkálaš ásahusaid ovddas.*
buhcciid- ja boarrásiidruovttuid ovddas, ustitvuođa ovddas olbmuide ja
prošeavttaide eará riikkain, ja eará rohkosat mat gusket fáddái)
Mii rohkadallat ruovttuideamet ovddas.
Divtte min eallit ovttas oskkáldasvuodas ja atnit árvvus guhtet guimmiideamet.

Ovddasrohkosa sáhtta loahpahit ná:

Jaskadit mii bidjat du ovdii dan mii guđesge lea váimmu alde.

Ipmil, mii rohkadallat.

s | Searvegottévástádus

Ovddasrohkos 4

Almmálaš Áhčči.

Giitu go don sivdnidit min,

ja giitu go don sivdnidit eatnama mas mii orrut.

Giitu go don dovddat min ja ráhkistat min.

Veahket min váldit vára guhtet guimmiineamet ja buot das maid don leat
sivdnidan.

Ipmil, mii rohkadallat.

s | Searvegoddevástádus

Ráhkis Jesus.

Don gávdnet ustibiid geaiguin sáhttet illudit ja čierut.

Giitu buot ustibiid ovddas.

Veahket min doarjut guhtet guimmiideamet.

Divtte buot olbmuid gávdnat muhtuma geasa sáhttet luohttit.

Don leat čájehan midjiide ahte buot olbmot leat ovttárvosaččat ja ovttá
mávssolaččat.

Leage sin luhtte geat gillájit earáid jierpmehisvuođa dahje bahávuođa dihtii.

Veahket min bargat vealaheami ja vuoigatmeahtunvuođa vuostái.

Ipmil, mii rohkadallat.

s | Searvegottévástádus

Buorre bassi Vuoigņa.

Don čájehat midjiide dan geainnu maid mii galgat vádjolit.

Atte midjiide dáhtu ja fámu vádjolit dan.

Atte midjiide viisodaga ja nanusvuođa bissut ovttas.

Don leat rávkan min iežat girkun.

Boađe min lusa du attáldagaiguin,

ja veahket min leat čuovgan ja sáltin eatnamis.

Ipmil, mii rohkadallat.

IV. litaniijat

Ráfilitaniija

Dán litaniija maŋŋá sáhtá leat oanehis rohkos áigeuovdilis rohkosfáttáin. Sáhtá maid loahpahit ná:
«Jaskatvuodas mii bidjat dál du ovdii dan mii guđesge lea váimmu alde.»
Litaniija teavsta vuodul sáhtá hábmet áigeuovdilis rohkosiid maid bidjá muhtin dahje buot rohkosiid sadjái.

ML | Mii rohkadallat buressivdnádusa.

L | Buressivdniduvvon lehkos du riika, Áhčči, Bárdni ja bassi Vuoigŋa, dál ja álo ja agálaččat.

Buo | Amen

Litaniija sáhtá maidáá álggahuvvot dás.

ML | Rohkadallot ráfis Hearrái.

Buo | Hearrá, árpmit min / Kyrie eleison.

ML/L | Ráfi allagasas ja min sielu bestojumi ovddas, rohkadallot Hearrá.

Buo | Hearrá, árpmit min / Kyrie eleison.

ML | Olles máilmmi ráfi ovddas, Ipmila bassi girku searvevuoda ovddas, ja buohkaid oktavuoda ovddas, rohkadallot Hearrá.

Buo | Hearrá, árpmit min / Kyrie eleison.

ML | Dán bassi viesu ovddas ja sin ovddas geat loaiddastit dasa oskkuin, gudnejahttimiin ja ipmilbalolašvuodain, rohkadallot Hearrá.

Buo | Hearrá, árpmit min / Kyrie eleison.

ML | Oppa Ipmila álbmoga ovddas, buot min girku bálvaleddjiid ovddas, min báhpaid ja min bismma (*namma sáhtá namuhuvvot*) ovddas. Rohkadallot Hearrá.

Buo | Hearrá, árpmit min / Kyrie eleison.

ML | Dán gávpoŋa/ báikegotti ovddas ja buot eatnamiid ja báikkiid ovddas, ja oskkolaččaid ovddas geat doppe ášset, rohkadallot Hearrá.

Buo | Hearrá, árpmit min / Kyrie eleison.

ML | Ávkkálaš dálkkiid, valljugas šattu eatnama alde ja ráfálaš áiggiid, rohkadallot Hearrá.

Buo | Hearrá, árpmit min / Kyrie eleison.

ML | Sin ovddas geat johtet meara alde, eatnama mielde ja áimmus, buhcciid ja gillájeddjiid ovddas, fánngaid ja sin bestojumi ovddas, rohkadallot Hearrá.

Buo | Hearrá, árpmit min / Kyrie eleison.

ML | Ahte mii gáddjojuvvošeimmet buot átestusain, moaris, headis ja váralašvuodas, rohkadallot Hearrá.

Buo | Hearrá, árpmit min / Kyrie eleison.

ML | Veahket min, beastte min, árpmit ja várjal min, árpmustat, Hearrá.

Buo | Hearrá, árpmit min / Kyrie eleison.

ML | Muitot sin geat ledje oskkáldasat jápmima rádjái, vai mii bidjat iežamet ja guhtet guimmiideamet ja min eallima Hearrá Jesus Kristusa háldui.

Buo | Dutnje fal, Hearrámet.

L | Dasgo vuoitu, gudni ja fápmu gullá dutnje, Áhččái, Bárdnái ja bassi Vuignii, dál ja álo ja agálaččat.

Buo | Amen. / Amen, amen amen.

Litaniija

Martin Luther hábmii dán min girku árbevirolaččamus litaniija, gaskaáiggi bassiolbmuid litaniija vuodul. Dat lea earenoamážit gullan fástoáigái ja gáhtamuš- ja roHKosbeaivái.

Searvegoddi sáhtta lávlut olles 2. ja 8. vearssa.

Ipmilbálvalusas mas leat eahkedismállásat, sáhtta litaniijas guođdit eret loahppaoasi «Buhtis Ipmil Láppis».

1

Buo | Kyrie eleison, Ipmil Áhčči, árpmit min,

Kriste eleison, Hearrá Kristus, árpmit min.

Kyrie eleison, bassi Vuoign̄a, árpmit min.

2

ML/L/Buo | Ipmil Áhččámet almmis,

Buo | árpmit min badjelii.

ML/L/Buo | Hearrá Jesus, máilmmi Beasti,

Buo | árpmit min badjelii.

ML/L/Buo | Bassi Vuoign̄a, jedđejeaddjámet,

Buo | árpmit min badjelii.

3

ML/L | Buot suttuin, buot čádjádusain, buot bahás/buot das mii bahá lea,

Buo | Hearrá Ipmil, beastte min.

4

ML/L | Bahás ja fáhkkes jápmimis, soadis ja sordojumis, lihkuhisvuodain ja duššadeamis,

Buo | Hearrá Ipmil, beastte min.

ML/L | Agálaš jápmimis,
Hearrá Ipmil, beastte min.

5

ML/L | Kristusa bassi riegádeami dihtii,
su ruossa ja jápmima dihtii,
su vuoitevaš bajásčuožžileami ja albmái mannama dihtii,
min lihku áiggis, min morrašis ja headis,
min mañimuš bottus ja duopmobeavvi,
Buo | ráhkis Hearrá Ipmil, veahket min.

6

ML/L | Stivre ja láide bassi kristtalaš girkot,
ja ovttastahte dan duohtavuodastat.
Atte girkui bálvaeddjiid geat dollet gitta du sánis.
Várjal min vearri oahpus ja jápma oskkus.
Buo | Ráhkis Hearrá Ipmil, gula min.
ML/L | Nanne min searvegotti Vuoiññainat ja fámuinat.
Rávka sin geat leat jorralan eret, ja divtte sánát ovdánit eatnama alde.
Buo | Ráhkis Hearrá Ipmil, gula min.

7

ML/L | Atte ráfi ja soabalašvuoda buot riikkain.
Suodjal min álbmoga ja min gonagasa.
Várjal eatnama ja buressivdnit min barggu.
Buo | Ráhkis Hearrá Ipmil, gula min.
ML/L | Boađe sidjiide veahkkin geat leat headis ja váralašvuodas.
Daga buori sidjiide geat dahket baháid midjiide.
Árpmit buot olbmuid.
Buo | Ráhkis Hearrá Ipmil, gula min
ML/L | Jesus Kristus, Ipmila Bárdni.
Buo | Hearrá, gula min rohkosa.

8

ML/L/Buo | Buhtes Ipmil Láppis, guhte guottát máilmmi suttu,
Buo | árpmit min.

ML/L/Buo | Buhtes Ipmil Láppis, guhte guottát máilmmi suttu,
Buo | árpmit min.

ML/L/Buo | Buhtes Ipmil Láppis, guhte guottát máilmmi suttu,
Buo | attášit midjiide du ráfi.

9

Buo | Hearrá, gula min ja divtte min čuorvasa olahit du lusa.
Amen.

Fástoáiggis loahpahuvo litaniija fástokolleaktain (fástokolleaktarohkosiin). Sáhtta rohkadallat moadde oanehis rohkosa litaniija ja fástokolleakttá gaskkas. Rohkosat sáhttet maid loahpahuvo ná: «Jaskatvuodas mii bidjat dál du ovdii dan mii guđesge lea váimmu alde.»

L/ML | Mii giitit du, Ipmil Áhččámet,
guhte leat addán midjiide áidnoriegádan Bártnát, Jesus Kristusa,
amas oktage lámppot guhte osku sutnje,
muhto vai son oažžu agálaš eallima.

Mii giitit du, Jesus Kristus,
go don leat guoddán min suttuid du bassi rupmašis
ja sihkkon buot min rihkkumiid varainat.

Mii giitit du, bassi Vuoigŋa,
go don leat addán midjiide dán oskku min váibmui
ahte Jesus Kristus lea min áidna gáddjojupmi ja bestojupmi.

Ipmil, atte midjiide árpmot, vai mii nannosit oskkošeimmet
ahte buot min suttut leat ándagassii addojuvvon
Jesus Kristusa gillámuša ja jápmima dihtii.

Nanne min bassi Vuoigŋainat, vai mii juohke beaivvi vuostálastit suttuid ja
geahččalusaid ja álelassii bissut Jesusa lahka,
dassáži go mii oaidnalit suinna oktiičalmmiid.

Mii rohkadallat Jesus Kristusa nammii.

Buo | Amen.

V.

searvegoddevástádusat

Iešguđet searvegoddevástádusat leat gávdnamis dáppe:
Liturgalaš musihkka Norgga girku válđoipmilbálvalussii.
Dohkkehuvvon sálbmagirjjit.
Norgga girku digitála ipmilbálvalusgirjeráđu.
Orgelčuojaheddji ipmilbálvalusgirji.

Eará vejolaš gáldut.

girkojagi prefašuvnnat

Liturga messe dahje cealká girkojagiprefašuvnna.

Adveanta

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, gean don vuolggahit beastit máilmmi, ollašuhttit lohpadusaid maid don addet álbmogasat profehtaid bokte. Su bokte máidnot engelat du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Juovllat ja Márjjábeaivi

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte min dihtii šattai olmmožin, vai mii šattašeimmet du mánnán, bestojuvvon seavdnjadasas du ovddolaš čuovgasii. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Almmustusáigi

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte almmustahttii du hearvásvuođa máilbmái, amas dat guhte čuovvu su, vadjolit seavdnjadasas, muhto vai sus lea čuovggas ja agálaš eallin. Su bokte engelat máidnot du hearvásvuođa, ja du searvegoddi almmis ja eatnama alde máidnu du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Fástu

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte ráhkistii min ja attii iežas min ovddas, ja lei gulolaš jápmima rádjái, ruossa jápmima rádjái. Su bokte engelat máidnot du hearvásvuođa, ja du searvegoddi almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Beassážat

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte. Son lea duohta beassásláppis, guhte lea guoddán min sudduid ja bajásčuožžileamis bokte vuoitán jápmima. Su bokte engelat máidnot du hearvásvuođa, ja du searvegoddi almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Helloduorastat ja sotnabeaivi ovdal hellodagaid

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte manai bajás albmái ja dál čohkká du olgeš gieđa bealde. Su bokte engelat máidnot du hearvásvuođa, ja du searvegoddi almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Hellodagat

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte truvdnida du olgeš gieđa bealde ja lea vuolggahan Bassi vuoijna su duođašteddjiid badjelii, vai du álbmot beasašii ávvudit iluin ja sárndidit du stuorra daguid mángga gillii. Su bokte engelat máidnot du hearvásvuođa, ja du searvegoddi almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaideamet ja rohkadallamiin lávlut:

Golmmaoktavuođa áigi

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, gean don vuolggahit bestojupmin máilbmái, vai mii su jápmima bokte oččošeimmet ándagassii addojumi buot suttuin ja su bajásčuožžileami bokte vuoittášeimmet agálaš eallima. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

DAHJE

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte. Son lea ealli láibi mii bohtá almmis ja addá máilbmái eallima, amas dat guhte su lusa bohtá, nealgut, ja dat guhte sutnje osku, goassege goikat. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

DAHJE

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte bođii min lusa almmi riikkain ja sártnui ilolaš sága, vai suddolaččat beasašedje čohkkát du riikka beavddis. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

DAHJE

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte dagai min iežas máhttájeaddjin ja lohpidii leat minguin buot beivviid gitta máilmmi loahpa rádjái. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

Hállemasbeaivi ja martyrbeaivvit

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte lei Beasti ja ovdagovva buot du bassi olbmuide geat leat ollašuttán mátkki ja seailuhan oskku. Su bokte engelat máidnot du hearvásvuođa, ja du searvegoddi almmis ja eatnama alde rávida du nama ovttamielalaš ávuin. Singuin áigut mii ge ovttahttit jienaideamet ja rohkadallamiin lávlut:

Eahkedismálisrohkosat

eahkedismállásiid rohkos a

Álggahanmáidnun

L | messe dahje cealká girkojagi prefašuvnna

Buo lávlot | Bassi SANCTUS

L | Mii máidnut du, bassi Ipmil, almmi ja eatnama Sivdnideaddji, guhte leat ráhkistan máilmmi ja addán Bártnát, Jesus Kristusa, vai son beasttášii min suttus ja jápmimis ja vuoittášii dutnje bassi álbmoga. Mii rohkadallat: Vuolggat Vuoiŋŋat min ja du attáldagaid badjelii, vai mii oskkus válddášeimmet vuostái Jesus Kristusa láibbis ja viinnis.

Ásahussánit VERBA

L | Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidasas ja celkkii: Válde dán ja borret! Dát lea mu rumaš, mii addojuvvo din ovddas. Dahket dan muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat das. Dát gearra lea ođđa lihttu mu varas mii golggahuvvo din ovddas suttuid ándagassii addojupmin. Dahket dan nu dávjá go dii juhkabehtet dan, muitin dihtii mu.

Ásahussániid maŋŋil liturga ja searvegoddi sáhttet dadjat:

L | Čieŋal lea oskku čiegusvuohta.

Buo | Kristus jámii. Kristus bajásčuožžilii. Kristus boahtá fas.

Čuovvovaš cealkaga sáhttá lasihit:

Buo | Gudni lehkos sutnje ráhkisvuođa ovddas mii lea gievrrat go jápmin.

L | Árbmugas Ipmil, mii ávvudit dáid mállásiid iluin ja giitosiin du Bártni ollašuvvan oaffara ovddas, oskkodettiin su vuoitevaš bajásčuožžileami ja albmáimannama ja vuorddedettiin su boahtima hearvásvuođain.

Mii rohkadallat du: Deavdde min ráhkisvuođainat, vai mii dovdášeimmet Kristusa su siste gii nealgu ja goiká. Oahpat min ráhkistit guhtet guimmiideamet

nugo don leat ráhkistan min, ja divtte min oktii čoagganit du lusa du ollašuvvan riikii.

Buo | Áhččámet/Áhčči min

eahkedismállásiid rohkos b

Álggahanmáidnun

L | messe dahje cealká Mii giitit du, bassi Ipmil, Bártnát Jesus Kristusa bokte. Son lea agálaš Sáni, ja dán Sáni bokte don sivdnidit buot. Go áigi dievai, de don vuolggahit su máilbmái beastin ja friddjandahkkin. Dan dihtii mii máidnut du, oktan buot du bassi olbmuiguin almmis ja eatnama alde:

Buo lávlot | Bassi SANCTUS

L | Ipmil, mii máidnut du, ja giitit du Bártnát Jesus Kristusa ovddas. Vuoiŋŋa fámuin nieida Márjá riegádahtii su, son elii seammá dilis go mii, ja son jámii go son lebbii giedáidis ruossamuoras. Dan láhkái son dagai jápmima duššin, cuvkkii bahávuoda láhkkiid ja almmustahtii midjiide oačči bajásčuožžileami.

Danin mii muitit su jápmima ja bajásčuožžileami go mii buktit dáid attáldagaid du ovdii. Mii rohkadallat: Vuolggat bassi Vuoiŋŋat daid badjelii, vai dat šattašedje midjiide eallima láibin ja ráfi gearran. Orui váilume juoga?

Ásahussánit VERBA

L | Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea ođđa lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Ásahussániid maŋŋil sáhttet liturga ja searvegoddi dadjat:

L | Čieŋal lea oskku čieŋusvuohta.

Buo | Kristus jámii. Kristus bajásčuožžilii.

Kristus bohtá fas.

Čuovvovaš cealkka sáhttá lasihuvvot:

Buo | Sutnje lehkos gudni ráhkisvuođa ovddas mii lea gievrrat go jápmin.

L | Divtte buohkaid geat leat láibái ja viidnái oasálaččat, šaddat oktan. Deavdde min bassi Vuoiŋŋainat ja nanne min duohtavuodas, vái mii beasašeimmet máidnut du ja eallit dutnje gudnin.

Buo | Áhččámet

eahkedismállásiid rohkos c

Álggahanmáidnun

L | messe dahje cealká Ipmil, man čieŋal lea du riggodat ja viisodat ja máhttu! Almmi almmuhit du hearvásvuođa, ja eanan duođašta du giedaid daguid. Ovttas buot áiggiid oskcolaččaiguin mii máidnut du bassi nama.

Buo lávlot | Bassi SANCTUS

L | Bassi ja váibmoládis leat don, Ipmil,
guhte it jorggihan eret go olmmoš suddudii,
muhto addet lohpadusat Abrahamii
ahte buot álbmogat buressivniduvvojit.
Fámolaš ja oskkáldas leat don, guhte čovdet álbmogat šlávuvuođas,
ja ođasmahttet lohpadusaidat profehtaid bokte.
Go áigi dievai, de vuolggahtit Bártnát, gean Márjá riegádahtii,
čoavdit min ja addit midjiide vuoigatvuođa leat du mánnán.
Su ruossajápmima bokte don soabahit buot iežainat ja duddjojít ráfi, ja su
bajásčuožžileami bokte jápmin vuoittahalai.
Mii rohkadallat: Vuolggaht Vuoiŋŋat min ja du attáldagaid badjelii.
Ovttastahte min dan oskkus ahte don leat árbmugas,
vai mii válddášeimmet vuostái Jesusa rupmaša ja vara soabahussan ja ráfin, ja
sárdnidit su jápmima dassáži go son bohtá.

Ásahussánit VERBA

L | Hearrámet Jesus Kristus, dan ija go son behttojuvvui, de válddii son láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea odđa lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Maŋŋil áсахussániid sáhttet liturga ja searvegoddi dadjat:

L | Čieŋal lea oskku čiegusvuohta.

Buo | Kristus jámii. Kristus bajásčuožžilii. Kristus boahotá fas.

Čuovvovaš cealkká sáhtta lasihuvvot:

Buo | Sutnje lehkos gudni ráhkisvuođa ovddas mii lea gievrrat go jápmin.

L | Agálaš Ipmil, ovttas buot du sivdnádusain mii vuordit ja áibbašit ahte mii dahkkojuvvot friddjan duššálašvuođas ja šaddat oasálažžan dan friddjavuhtii maid du mánát oamastit hearvásvuođas. Dus ja du bokte ja dutnje gullet buot. Dutnje lehkos gudni agálaččat!

Buo | Áhččámet

eahkedismállásiid rohkos d

Álggahanmáidnun

L | messe dahje cealká girkojagi prefašuvnna.

DAHJE

Mii rámidit du, agálaš Ipmil,
gii leat sivdnidan máilmmi ja buot mii das lea.
Du siste mii eallit, lihkadit ja leat.
Ovttas du searvegottiin almmis ja eatnama alde
mii lávlumiin máidnut du bassi nama:

Buo lávlot | Bassi SANCTUS

L | Mii giitit du, buot buorrevuođa ája. Don vuolggahit Bártnát. Son russiinávlejuvvui ja bajásčuožžilii jábmiid luhte. Son rabai čállagiid ja almmustahtii iežas ustibiiddásis go doadjalii láibbi ja attii sidjiide. Dál mii rohkadallat: Divtte Vuoiŋŋat boahtit min ja du attáldagaid badjelii, vai min

čalmmit rahpasivčče, ja mii dovddašeimmet ahte son lea min russiinávlejuvvon ja bajásčuožžilan Beasti

Ásahansánit VERBA

L | Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea ođđa lihttu mu varas mii golggahuvvo din ovddas sudduid ándagassii addojupmin. Dahket dán nu dávjá go dii juhkabehtet dan, muitin dihtii mu.

Maŋŋil ásahussániid sáhtta liturga ja searvegoddi dadjat:

L | Čieŋal lea oskku čiegusvuohta.

Buo | Kristus jámii. Kristus bajásčuožžilii. Kristus bohtá fas.

Dát cealkka sáhtta lasihuvvot:

Buo | Sutnje lehkos gudni ráhkisvuođa ovddas mii lea gievrrat go jápmin.

L | Bassi Ipmil, atte midjiide buolli váimmuid, vai mii ovddošemiin ja iluin vurket du sániid ja čájehit váibmoláđisvuođa gillájeddjiide. Oro min luhtte, maddái dalle go mii eahpidit ja moraštit. Leage min mielde, dassáži go áibbašemi ja bákčasa sadjái lea bohtán agálaš ávvudeapmi ja máidnunlávlla.

Buo | Áhččámet

eahkedismállásiid rohkos e

Álggahanmáidnun

L | messe dahje cealká girkojagi prefašuvnna.

DAHJE

L | Mii giitit du, buorre Ipmil, don guhte doalat giedainat almmi ja eatnama. Oktan engeliiguin ja du searvegottiin almmis ja eatnama alde mii máidnut du bassi nama:

Buo lávlot | Bassi SANCTUS dahje eará máidnunlávлага.

L | Bassi Ipmil, don leat sivdnidan min iežat gova mielde ja addán midjiide eallima attáldahkan. Mii giitit du Jesus Kristus, máilmmi beasti, ovddas. Son jámii ja bajásčuožžilii, vai mii oččošeimmet suttuid ándagassii addojumi ja agálaš eallima go mii oskut sutnje. Mii giitit du gástta ovddas, mas mii odđasis rievádít, ja eahkedismállásiid ovddas, mas don čohkket min iežat joavkun. Mii rohkadallat: Vuolggat Vuoiŋnat min ja du attáldagaid badjelii. Daga min oktan guhtet guimmiideametguin ja Jesus Kristusiin.

Ásahansánit VERBA

Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea ođđa lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Maŋŋil ásahussániid sáhtta liturga ja searvegoddi dadjat:

L | Čieŋal lea oskku čiegunvuohta.

Buo | Kristus jámii. Kristus bajásčuožžilii. Kristus boahtá fas.

Dán cealkaga sáhtta lasihit:

Buo | Sutnje lehkos gudni ráhkisvuođa ovddas mii lea gievrrat go jápmin.

L | Ipmil, váldde min buohkaid sallasat, dego ráhkislaš eadni čohkke mánáidis iežas lusa. Divtte min ráhkistit guhtet guimmiideamet, nugo don ráhkistat min. Divtte smávváid bajiduvvot ja sin gallehuvvot buriid attáldagaiguin geat nelgot.

Liturga ja/dahje okta dahje eanet mánát dadjet:

Ovttas buot du mánáiguin rohkadallat mii dan rohkosa maid du Bárdni lea oahpahan midjiide.

Buo | Áhččámet

eahkedismállásiid ortnet earenoamáš diliide

Dán ortnega sáhtta atnit váldoipmilbálvalusas mii lea earenoamážit heivehuvvon mánáide ja nuoraide, ja fáddáipmilbálvalusas. Go váldoipmilbálvalus dollojuvvo allameassun, de dát ii adno.

Sálbma / mállása ráhkkanahhtin

Geahča lađas 18 ja 19 Váldoipmilbálvalusa ortnet-gihppagis.

Dearvvahus

L | Máidnot Ipmila

Searvegoddi čuožžila.

Buo | Giittus ja gudni gullá Ipmilii agálaččat.

DAHJE

L | Máidnot Ipmila.

Searvegoddi čuožžila.

ML | Ipmila mii giitit ja gudnejahttit.

Buo | Ipmila mii giitit ja gudnejahttit.

Bassi SANCTUS

dahje eará máidnunlávlla.

Eahkedismálisrohkos oktan áсахussániiguin

VERBA

Okta čuovvovaš rohkosiin:

L | Buorre Ipmil, mii giitit du du hearvásvuoda ovddas mii lea miehtá almmi ja eatnama. Gástta čáziin don čovdet min seavdnjadasa fámus ja ovttahttet min Jesus Kristusiin, du Bártniin. Dál mii rohkadallat: Vuolggat Vuoiŋat min ja du attáldagaid badjelii, vai mii oččošeimmet fámu eallit ja roahkkatvuoda oskut.

DAHJE

L | Oskkáldas Ipmil, mii rámidit du nu guhká go mii eallit ja máidnut du nama lávlumiin agálaš áigái. Mii giitit du go vuolggahit Bártnát Jesus Kristusa máilmmi beasin. Su jápmima bokte mii oažžut sudduid ándagassii addojumi, ja su bajásčuožžileamis mii beassat eallit odđa eallima. Dál mii rohkadallat: Vuolggat Vuoiŋat min ja du attáldagaid badjelii, vai dat šattašedje doaivvu mearkan min eallimis.

DAHJE

L | Ipmil, mii máidnut du lávlumiin, almmi ja eatnama sivdnideaddji. Don birastahtát min ráhkisvuodain ja fuolain. Giitu bestojumis maid don leat addán midjiide Jesus Kristusa bokte. Mii rohkadallat dus: Vuolggat Vuoiŋat min ja du attáldagaid badjelii.

Dasto čuovvu:

L | Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea ođđa lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Maŋŋil áсахussániid sáhtá liturga ja searvegoddi dadjat:

L | Čieŋal lea oskku čiegunvuohta.

Buo | Kristus jámii. Kristus bajásčuožžilii.

Kristus boahtá fas.

Čuovvovaš cealkka sáhtá lasihuvvot:

Buo | Sutnje lehkos gudni ráhkisvuođa ovddas mii lea gievrrat go jápmin.

Buo | Áhččámet

Dán lađđasa sáhtá guođdit dán oanehis eahkedismálistortnegis:

Ráfidearvvahus

L | Ipmila ráfi lehkos dinguin.

S | Ipmila ráfi lehkos duinna.

Jos galgá dievasleabbu ráfidearvvahus, geahča Láidehusa ipmilbálvalusa válđoosiide, s 8.XX

Juogadeapmi

Juogadansámit čudjet ná:

Dát lea Jesusa rumaš.

Dát lea Jesusa varra.

DAHJE

Kristusa rumaš, du várás addojuvvon.

Kristusa varra, du várás golggahuvvon.

Maŋŋil juogadeami dadjá liturga:

L | Russiinávlejuvvon ja bajásčuožžilan Jesus Kristus lea dál addán midjiide iežas bassi rupmaša ja vara maid son attii min suttuid soabahussan.

S dahje L | Son nannešii ja bisuhivččii min buhtes oskku siste agálaš eallimii.

L | sáhtá lasihit Ráfi lehkos dinguin.

Mállása loahpaheapmi

Dás sáhtá čuovvut okta dan giittosrohkosiin mat leat s. 2.XX-2.X2, muhtin mii lea heivehuvvon báikkálaččat, dahje eará heivvolaš giittosrohkos.

buressivdnádussánit ja vuolggahussánit

buressivdnádussánit

Dábálaččat adno aronlaš buressivdnádus searvegotti váldoipmilbálvalusain, ja álo go dat dollojuvvojit allameassun.

Ipmilbálvalusain main fáttá ja čiekŋudahttima dáfus lea sávahahtti, sáhtta atnit ovttá čuovvovaš buressivdnádussániin dahje eará heivvolaš buressivdnádussáni.

1

Apoastallaš buressivdnádus sáhtta adnot ipmilbálvalusas mas dat ii leat adnon álggahussátnin.

L | Hearrámet Jesus Kristusa árbmu, Ipmila ráhkisvuohta ja Bassi Vuoiŋga servvolašvuohta lehkos dinguin!

S | Amen.

2

Sáhtta lávlut dahje lohkat,

Buo | Buressivdnit min, Ipmil Áhčči. Buressivdnit min, Ipmila Bárdni.

Buressivdnit min, Ipmila bassi Vuoiŋga.

Amen.

3

L | Buressivdnádus Ipmilis, min sivdnideaddjis,

Jesus Kristusis, min beastis,

ja Bassi Vuoiŋgas, min eallindahkkis, lehkos dinguin buohkaiguin.

S | Amen.

vuolggahussánit

Molssaeaktun vuolggahussániide mat lea Váldoipmilbálvalusa ortnegis (gč s. 2.XX) sáhtta eará vuolggahussániid atnit. Sáhtta maid ieš hábmet vuolggahussániid.

Oanehis vuolggahussánit sáhttet álggahuvvot biibbalsániin, beaivvi teavsta dahje fáttá mielde.

Muhtin ovdamearkkat:

Ipmil ii addán midjiide balešvuođa vuoiŋga; muhto fámu, ráhkisvuođa ja jierbmáivuoda vuoiŋga. **2 Tim 1,7**

Mannet ráfis.

Ipmila ráfi, mii manná buot jierpmi badjel,

várjala din váimmuid ja jurdagiid Kristus Jesusis. **Fil 4,7**

Mannet ráfis.

Kristus cealká: “Ehpet dii leat válljen mu, muhto mun lean válljen din ja lean
vuolggahan din šaddadit šattuid, bistevaš šattuid.” [Joh 15,16](#)
Mannet ráfis.